



金陵趙傳
補遺
十
武九
悉



光緒甲辰年
瑞華館禁印



序

通傳者傳金陵也傳金陵何以云通也其事其人通乎金陵其義則可通之天下也天下大矣天下之人才眾矣憑一人之見聞而欲上下千古悉歸吾載筆而垂之無窮於戲此豈易事哉雖然天下者一鄉一國之所積也而一鄉一國者實人才之所由生也第卽吾所生之鄉與國網羅而表彰之俾父母之邦皆有所矜式則本源之地得所以自盡者備於斯矣天下之鄉與國若皆能援斯傳之用心而各有所作焉萃而成書固甚盛事此通傳之所以爲通也夫紀述之通義惟良史爲然有金陵君子陳兩生者不得爲史官力不足以大徵文獻而通傳之作則皆史例矣人與事各從其類合傳例也門第相及世家例也年代遞次立表例也每卷摺以定評論贊例也凡所始終皆斷自可據者是又信史之義矣然以是云通猶文字末耳若夫矜式鄉國其父兄有所以爲教其子弟有所以爲法則風俗厚而倫紀修矣放而準之四海風俗無不厚倫紀無不修而天下大同矣斯通之極致也易曰推而行之存乎通作者之意蓋本諸此

通傳序

夫襄陽傳者舊或略門第皇甫謐傳高士乃無薦紳惟於越先賢傳似完美矣而於類記附見諸例猶闕如焉兩生獨通之以史法故立體也約而爲用也博其所別白也嚴而其所取善也寬寬則易勸嚴則不誣約則綱舉而目張博則事詳而辭核是傳也夫豈非吾郡之盛事而豈惟吾郡之盛事哉金陵爲帝王都其鎮則有鍾阜之雄秀其大江環之則有揚子之浩蕩山水有靈人才斯毓通傳一編或遂以是當之吾竊曰不然何地無大山水何山水不生人才惟無匯而存之則湮沒而淆雜者何可勝道而兩生超然遠矣

光緒二十年庚子孟秋溧水濮文暹謹敘

凡例

史記有世家班范以下皆無之而時寓世家於列傳中李延壽南北史於崔盧王謝諸族皆詳敘始末昭穆瞭然大有裨於譜學矧金陵大郡六朝世裔往往而有至明代動衛譜牒蒐訪尚多可攷類而敘之亦故家喬木之思也今略依南北史之例輯爲通傳以朝爲次其苗裔卽附其下不以某代爲斷其餘則各據時之前後擇事跡相近者彙爲一卷

江甯七屬句溧最古元甯次之以秣陵建業丹陽爲濫觴高淳則割二溧而成縣者也六合與真州錯壤江浦爲烏江所分古今革沿革方隅界限詳加考定籍貫斯明意爲遷就則吾豈敢

金陵爲人文淵藪甄錄諸書以廿四史爲主而景定至正二志輔之路氏帝里人文略朱氏詩匯姓氏錄亦一大宗也其餘府縣各志以及大家譜牒下逮碑官小說皆不敢遺竭三十年之力塵乃告成徵文考獻或有取焉

范書列傳人以類分論斷之言卽隨其後不必俟一卷之終也是篇略仿其格

通傳凡例

式僭加品題而冊數乃由此以判云

郡邑人物采擇貴寬其有一節可傳不敷立傳者則仿明史之例附他人傳中亦取以事類敘之意而表又所以輔傳也

金陵山水之鄉名賢多愛而居之是卷不載寓賢必定居再世生長斯土者始爲甄入至自郡他徙者亦俟其子孫除去本籍始不載若夫六朝僑縣明代勳衛聚族而居義同土著合附斯篇

閩秀方外苟有卓至之行卽隨時代先後依類附載傳中不復別標子目多爲之名以歸簡要

是書采擇旣多謬謬難免或族姓誤聯或昭穆紊序或同名而紀述互舛或一事而傳聞異辭千慮之失閱者諒之

金陵通傳卷一目錄

第一册

伍尙 江上漁父 溧水女子 專諸

第二册

抗徐 張磐 陶謙 甘公 芮祉 子良 玄 何洪等

第三册

唐固 刁玄 辭瑩 子兼 紀陟 子瞻

第四册

陶璜 子威 王鑒 甘卓 張闔 王諒 樂道融

第五册

葛洪 先世祐 許邁 父副 從父朝 弟謚等

通傳一目錄



Vertical text columns on the left side of the page, including page numbers and additional entries, mostly obscured by the seal and fading.

伍尚江上漁父溧水女子專諸傳第一

伍尚楚人也食采於棠世謂之棠君棠當今六合大父舉相靈王以邑氏亦曰椒舉

椒今全椒與棠近故定伍氏爲江北人父奢爲太子傅平王信讒將殺太子召奢考問之奢曰王

奈何以讒賊小臣疏骨肉之親乎王怒囚奢太子出奔宋費無忌言於王曰伍

奢有二子皆賢不誅且爲楚憂可以其父爲質而召之王使謂奢曰能致二子

則生不然則死奢曰臣有二子長曰尚少曰胥尚爲人慈溫仁信若聞臣召必

來胥爲人少好於文長習於武執剛守戾蒙垢受恥雖冤不爭能成大事此前

知之士安可致耶王不聽卽遣使者駕騶馬封函印綬往召子尚子胥令曰賀

二子父奢以忠信慈仁去難就免楚王內慙囚繫忠臣外愧諸侯之恥反進奢

爲國相封二子爲侯尚賜鴻都侯胥賜蓋侯相去不遠三百餘里奢久囚繫思

見二子故遣臣來奉進印綬尚曰父繫三年中心初怛食不甘味嘗苦饑渴晝

通傳一

夜感思憂父不活惟父獲免何敢貪印綬哉使者曰父囚三年王今幸赦無以

賞賜封二子爲侯一言當至何所陳哉尚乃入報子胥曰父幸免死二子爲侯

使者在門兼封印綬汝可見使子胥曰尚且安坐爲兄卦之今日甲子時加於

已支傷日下氣不相受君欺其臣父欺其子今往方死何侯之有尚曰豈貪於

侯思見父耳一面而別雖死而生子胥曰尚且無往父當我活楚畏我勇勢不

敢殺兄若誤往必死不脫尚曰父子之愛恩性中出徼倖相見以自濟達於是

子胥歎曰與父俱誅何明於世冤讐不除恥辱日大尚從是往我從是決尚泣

曰吾之生也爲世所笑不能報讐畢爲廢物汝懷文武勇於策謀父兄之讐汝

可復也吾如得還是天祐之其遂沈埋亦吾所喜子胥曰尚且行矣吾去不顧

勿使臨難雖悔何追旋泣辭行與使俱往楚得子尚執而囚之復遣追捕子胥

不及奢聞子胥之亡曰楚之君臣且苦兵矣尚至楚就父俱戮於市子胥奔宋

從楚太子遂適鄭太子與晉謀襲鄭鄭殺楚太子子胥還奔吳過楚境至昭關

楚購亡人急幾不得脫追者在後至江而遇漁父焉

昭關當今和州境則江必江浦之烏江

漁父江上隱君子也常乘船泝水而上子胥遇之呼曰漁父渡我如是者再漁父欲渡之適會旁有人窺之因歌曰日月昭乎寢已馳與子期乎蘆之漪子胥卽止蘆之漪漁父又歌曰日已夕兮子心憂悲月已馳兮何不渡爲事寢急兮當奈何子胥入船漁父知其意也乃渡之千澗之津子胥旣渡漁父視之有饑色謂曰子俟我此樹下爲子取餉漁父去後子胥疑之乃潛身於深葦之中有頃漁父來持麥飯鮑魚羹盎漿求之樹下不見因歌而呼之曰蘆中人蘆中人豈非窮士乎如是者再子胥乃出蘆中而應漁父曰吾見子有饑色爲子取餉子何嫌哉子胥曰性命屬天今屬丈人豈敢有嫌哉食畢子胥乃解百金之劍與之曰此吾前君之劍中有七星價直百金以此相答漁父曰吾聞楚之法令得亡人者賜粟五萬石爵執圭豈圖取百金之劍乎遂辭不受謂子胥曰子急去勿留且爲楚所得子胥曰請丈人姓字漁父曰今日凶凶兩賊相逢吾所謂渡楚賊也兩賊相得得形於默何用姓字爲子爲蘆中人我爲漁丈人富貴莫相忘也子胥曰諾旣去誠漁父曰掩子之盎漿無令其露漁父曰諾子胥行數步顧視漁父已覆船自沈於江水之中矣子胥未至吳而疾中道乞食過溧水而遇女子

通傳一

二

溧水女子貞信人也擊綿於瀨上筐中有飯子胥過之謂曰夫人可得一餐乎女子曰妾獨與母居三十未嫁飯不可得子胥曰夫人賑窮途少飯何嫌哉女子知非常人遂許之發其篋筥飯其盎漿長跪而與之子胥再餐而止女子曰君有遠逝之行何不飽而餐之子胥已餐而去又謂女子曰掩夫人之盎漿無令其露女子曰嗟乎妾獨與母居三十年自守貞明不願從適何宜饋飯而與丈夫越虧禮義子行矣子胥行反顧女子已自投於瀨水矣子胥至吳言伐楚之利於王僚公子光沮之子胥知光有內志欲殺王自立未可說以外事乃退耕於野求勇士薦之公子光欲以自媚乃得勇士專諸

專諸棠邑人也子胥之亡楚如吳時過於途專諸方與人鬪將就敵其怒有萬夫之氣甚不可當其妻一呼卽還子胥怪而問其狀何夫子之怒盛也聞一女之聲而折道豈有說乎專諸曰子視吾之儀豈類愚者何言之鄙也夫屈一

人之下必伸萬人之上子胥因相其貌確頰而深目虎膺而熊背知其勇士陰結之欲以爲用遭公子光之有謀也而進之公子光禮以爲上客曰天以夫子輔孤之失根也專諸曰前王餘昧卒僚立自其分也公子何因而欲害之乎光曰前王壽夢有子四人長曰諸樊則光之父也次曰餘祭次曰餘昧次曰季札札之賢也將卒傳付適長以及季札念季札爲使亡在諸侯未還餘昧卒國空有立者適長也適長之後卽光之身也今僚何以當代立乎專諸曰何不使近臣從容言於王側陳前王之命以諷其意令知國之所歸何須私備劍士以捐先王之德光曰僚素貪而恃力知進之利不覩退讓吾故求同憂之士欲與之并力惟夫子論斯義也專諸曰願公子命之光曰時未可也專諸曰凡欲殺人君必求其所好吳王何好光曰好味專諸曰何味所甘光曰好嗜魚之炙也專諸乃去從太湖學炙魚三月得其味安坐待公子命之王僚十二年夏四月丙子光伏甲士於窟室中而具酒請王僚使兵陳自宮至光之家門戶階陛左右皆王僚之親戚也夾立侍皆持長鉞酒既酣光陽爲足疾入窟室中使專諸置匕首魚炙之腹中而進之既至王前專諸擊魚因以匕首刺王僚王僚立死左右亦殺專諸王人擾亂光出其伏甲以攻王僚之徒盡滅之遂自立爲王是爲闔閭闔閭乃封專諸之子毅爲上卿子胥卒相闔閭入楚復父之讐過漂水投金於瀨以報女子之德

論曰伍尚奔死免父死得其正者也子胥志在復讐而瀕死獲濟漁父女子其俠烈之性固大異於貪利忘恥者矣專諸以布衣而刺萬乘奮其矜隆之氣無所爲而爲壯則壯矣非孟子所謂死傷勇者耶

抗張陶芮傳第二

抗徐字伯徐丹陽人

卽今之小丹陽

生於漢桓帝時少爲郡佐史鄉邦稱其膽智初試

守宣城長悉移深林遠藪椎髻烏語之人置於縣下由是境內無復盜賊後爲中郎將宗資別部司馬擊太山賊公孫舉等破平之斬首三千餘級封烏程東鄉侯五百戶遷太山都尉盜賊望風奔亡三府表徐有將率之任特轉長沙太守桂陽賊胡蘭等三千人轉攻零陵徐發諸郡兵與中郎將度尚并勢討擊大

破之斬蘭等首三千五百級餘賊走蒼梧詔賜尙錢百萬餘人各有差於是長沙徇賊皆平徐尋卒官詔追增封徐五百戶并前千戶時爲度尙所誣陷者有徐同郡張磐

張磐字子石以清白稱桓帝時爲交趾太守當胡蘭黨南走蒼梧磐逆擊之復入荊州度尙懼爲己負乃僞上言蒼梧賊入荊州界於是徵磐下廷尉辭狀未正會赦見原磐不肯出獄方更牢持械節獄吏謂磐曰天恩曠然而君不出何也磐因自刎曰前長沙賊胡蘭作難荊州餘黨散入交趾磐身膺甲冑涉危履險討擊凶患斬殄渠帥餘燼烏窻冒遁還奔荊州刺史度尙懼磐先言怖畏罪戾伏奏見誣磐備位方伯爲國爪牙而爲尙所枉受罪牢獄夫事有虛實法有是非磐實不辜赦無所除如忍以苟免永受侵辱之恥生爲惡吏死爲敝鬼乞傳尙詣廷尉面對曲直足明眞僞尙不徵者磐埋骨牢檻終不虛出望塵受枉廷尉以狀上詔書徵尙到廷尉辭窮受罪以先有功見原磐乃出後位終廬江

太守

通傳一

四

陶謙字恭祖丹陽人父故餘姚長謙少孤始以不羈聞於縣中年十四猶綴帛爲幡乘竹馬而戲邑中兒童皆隨之故蒼梧太守同縣甘公出遇諸塗見其容貌異而呼與語甚悅許妻以女甘公夫人聞之怒曰吾聞陶家兒敖戲無度如何以女許之甘公曰彼有奇表長必大成卒妻之稍長好學爲諸生仕州郡舉茂才察孝廉拜尙書郎除廬令遷舒令張磐以同郡先輩爲廬江太守意殊親之而謙恥爲之屈與眾還城因以公事進見坐罷磐常私還入與謙飲宴或拒不爲留常以舞屬謙謙不爲起固強之及舞又不轉磐曰不當轉耶曰不可轉轉則勝人由是不樂卒以構隙謙在官清白無以糾舉祠靈星有贏錢五百欲以臧之謙委官而去會西羌寇邊征西將軍皇甫嵩表請武將召拜謙揚武都尉與嵩征羌大破之遷幽州刺史徵拜議郎參車騎將軍張溫軍事西討韓遂旣而徐州黃巾起以謙爲徐州刺史擊黃巾破走之董卓之亂州郡起兵天子都長安四方斷絕謙遣使間行致貢獻遷安東將軍徐州牧封溧陽侯下邳閔宣自稱天子謙擊殺之獻帝初平元年兗州牧曹操以父被殺歸罪於謙自將

來擊攻拔十餘城謙退守郟操糧盡引還興平元年復率兵至略定瑕邪東海諸縣謙恐欲走歸丹陽青州刺史田楷與平原相劉備引兵來救適張邈叛操迎呂布操兵還擊布謙以丹陽兵四千益備使屯小沛謙病篤謂別駕麋竺曰非劉備不能安此州也遂卒竺率州人迎備領徐州謙二子商應皆不仕

芮祉字宣嗣丹陽人其先有鉅鹿太守強吳郡太守珍皆顯名於漢世祉從破虜將軍孫堅征伐有功堅薦爲九江太守轉吳郡所在有聲子良字文鸞隨討逆將軍孫策平定江東策以爲會稽東部都尉尋卒弟玄代領其兵玄字文表拜奮武中郎將以功封溧陽侯吳大帝爲太子登選擇淑媛羣臣咸稱玄父祉兄良咸以德義文武顯名三世故遂娉玄女爲登妃黃武五年玄卒大帝甚憐惜之時太子和妃父何遂亦丹楊句容人及後主皓卽位封舅洪爲永平侯蔣爲溧陽侯植爲宣成侯植後官至大司徒洪卒子邈嗣除武陵監軍爲晉兵所殺

論曰伯徐之勳成於度尙而子石因以受任人臣處功名之際亦難言哉恭祖

通傳一

五

剛直有大節當王路阻絕之時貢獻相繼酬以侯封宜矣宣嗣父子戮力霸朝非其倫也至何氏之侯以恩澤封則失之愈遠焉

唐刁辭紀傳第三

唐固字子正句容人父翽爲漢丹楊太守因家建業固修身積學講授常數千人孫權爲吳王拜固議郎自張溫陸遜駱統等皆拜之黃武四年爲尙書僕射卒年七十餘漢興重經術士儒者墨守師說多致大官固生當建安之末爲江左宗師著有公羊穀梁傳注十三卷春秋古今會盟地圖一卷尤長於國語采摭所見因賈侍中爲主而損益之以爲注凡二十一卷後韋昭國語解多取其說云

刁玄丹楊人吳大帝時爲太子賓客甚見禮敬少帝太平二年宛陵侯基盜乘御馬少帝問罪於玄玄曰科應死然魯王早終願陛下哀原之少帝曰法者天下所共何得以私親故當思所以釋此者玄曰舊赦有大小或天下亦有千里五百里赦隨意所及少帝曰解人不當爾耶乃赦宮中基以得免玄嘗以五官

中郎使蜀得司馬徽與劉廙論運命厭數事乃演其文曰黃旗紫蓋見於東南終有天下者荆揚之君乎後主皓由此益驕世每以此病之後歸晉病卒
薛瑩字道言丹楊人父綜本籍沛郡仕吳爲太子少傅遂家建業兄翊爲威南將軍征交阯還道病卒瑩初爲祕府中書郎景帝卽位遷散騎中常侍後主初爲左執法轉選曹尚書及立太子又領少傅建衡三年何定建議整聖綬以通江淮敕瑩督萬人往遂以多磬石難施功罷還出爲武昌左部督後定被誅追論聖綬事下瑩獄徙廣州華覈薦修國史召還爲左國史是時法政多謬舉措煩苛瑩每上便宜陳緩刑簡役以濟育百姓事或施行遷光祿勳吳亡入晉爲散騎常侍答問處當皆有條理太康三年卒著書八篇名曰新議子兼

兼字令長清素有器宇少與同郡紀瞻廣陵閔鴻吳郡顧榮會稽賀循齊名號五雋初入洛張華見而奇之曰皆南金也察孝廉辟公府除比陽相有能名歷太子洗馬散騎常侍懷令司空東海王越參軍轉祭酒賜爵安陽亭侯琅邪王睿爲安東將軍以爲軍諮祭酒稍遷丞相長史甚勤王事以上佐祿優每自約損取周而已進爵鄉侯拜丹楊太守元帝建武初轉尹遷尚書領太子少傅自綜至兼三世傅東宮談者美之永昌初爲太常明帝卽位加散騎常侍帝以東宮時師傅下詔與太宰西陽王羨丞相王敦司空王導皆盡敬書疏禮儀一如東宮故事尋卒贈左光祿大夫開府儀同三司屬王敦之亂朝廷多故不得議謚直遣使者祭以太牢子顯蚤卒無後

通傳一

六

紀陟字子上秣陵人吳少帝時爲中書郎孫峻使詰南陽王和令其引分陟密使正辭自理峻怒陟懼閉門不出景帝初父亮爲尚書令而陟爲中書令每朝會詔以屏風隔其座尋出爲豫章太守後主甘露元年以光祿大夫使魏至壽春州將王布示之馬射因問曰吳之君子亦能斯乎陟曰此軍人騎士肄業所及士大夫未有爲之者矣布大慙旣至魏主見之使偵問曰來時吳主何如對曰來時皇帝臨軒百僚陪位御膳無恙已而相國司馬昭饗之百僚畢會使偵告曰某者安樂公也某者匈奴單于也陟曰西主失土爲君王所禮位同三代莫不感義匈奴邊塞難鞫之國君王懷之親在坐席此誠威恩遠著又問吳之

成備幾何對曰自西陵以至江都五千七百里又問曰道里甚遠難爲堅固對曰邊界雖遠而其險要必爭之地不過數四猶人雖有八尺之軀靡不受患其護風寒止數處耳昭善之厚爲之禮久之乃遣還未幾卒子孚封都亭侯孚弟瞻

瞻字思遠少以方直知名晉平吳徙家歷陽郡察孝廉不行後舉秀才尙書郎陸機策之瞻敷對詳瞻文多不載永康初州舉寒素大司馬辟東閣祭酒其年除鄆陵公國相不之官明年降松滋侯相太安中棄官歸與周玘等共起義誅陳敏召拜尙書郎與諸名士同赴洛在塗論易太極顧榮爲之屈至徐州聞中土大亂裴衷不進東海王越趣刺史裴盾以軍禮發遣眾大懼各解船棄車牛一日夜行三百里得還揚州琅邪王睿引爲安東軍諮祭酒轉鎮東長史王嘗親臨瞻宅同乘而歸以討周馥華軼功封都鄉侯石勒據葛陂加揚威將軍征討都督督京口以南至蕪湖諸軍屯壽春敗勒弟虎勒退除會稽內史時有詐作大將軍符收諸暨令者令已受拘瞻覺其詐破檻車出之尋遷丞相軍諮祭

通傳一

七

酒論討陳敏功封臨湘縣侯西臺除侍中不就長安不守與王導俱入勸進王不許瞻曰神器去晉於今二載梓宮未殯人神失御陛下膺圖受籙特天所授而欲守匹夫之諒非所以闡七廟隆中興也但國賊當誅宜以此屈已謝天下耳綱維大業惟理與當促之則得可以隆中興之祚縱之則失所以資姦寇之權所謂理也殿下身當厄運纂承帝緒願望宗室誰復與讓所謂當也四祖廓開宇宙大業如此今五都燔蕪宗廟無主劉聰竊弄神器於西北殿下方欲高讓於東南是揖讓而救火也猶不許使殿中將軍韓績撤去御座瞻叱績曰帝座上應星宿敢動者斬王爲改容及踐帝位拜瞻侍中轉尙書上疏諫爭多所匡益會久疾不堪朝謁乞免尋除尙書右僕射屢辭不聽遂稱病篤還第不許和鑿在鄒山屢爲石勒所逼瞻以鑿有將相才恐朝廷棄而不恤上疏請徵之鑿卒爲名臣明帝嘗獨引瞻於廣室慨然憂天下曰社稷之臣無復十人如何因屈指曰君便其一瞻辭讓帝曰與君善語復何讓瞻才兼文武朝廷稱其忠亮雅正俄轉領軍將軍雖常疾病六軍敬憚之復加散騎常侍將討王敦帝使

謂瞻曰卿雖病爲朕臥護六軍賜布千匹瞻不以歸家分賜將士事平求退帝不許固辭不起就拜驃騎將軍常侍如故即家爲府尋卒年七十二贈本官開府儀同三司謚曰穆遣御史持節監護喪事論討王含功追封華容子隆先爵二等封次子一人亭侯瞻性靜默少交遊好讀書或手自鈔寫凡所著詩賦箋表數十篇兼解音樂殆盡其妙厚自奉養立宅於烏衣巷館宇崇麗有園池花木之勝慎行愛士老而彌篤太常辭兼尙書閔鴻等臨終託後瞻悉營護有同骨肉少與陸機友善及機被誅瞻恤其家爲嫁息女資送比於所生長子景阜卒景子友嗣官至廷尉景弟鑿太子庶子大將軍從事中郎亦先瞻卒

論曰子正經術爲漢儒殿名動公卿非無具也刁玄博洽迹近逢迎儒者鑒之薛紀二氏世濟其美文雅方正著於東南稽古之榮於茲益信

陶王甘張王樂傳第四

陶璜字世英秣陵人父基吳交州刺史璜仕吳歷顯位後主時交阯亂降晉晉南中監軍霍弋遣楊稷爲交阯太守與將軍毛覓董元自蜀出破吳軍於古城

通傳一

八

斬大都督脩則交州刺史劉俊吳以璜爲蒼梧太守拒稷戰於分水璜敗保合浦威南將軍薛琬怒璜曰下官不得行意諸軍不相順故敗耳琬欲引還璜夜以數百兵襲董元獲其寶物船載而歸琬乃謝之以璜領交州爲前部督從海道徑至交阯元拒之將戰璜疑斷牆內有伏兵列長戟於其後兵才交元僞退璜追之伏兵果出長戟逆之大破元等以錦物數千匹遺扶嚴賊帥梁奇奇將萬餘人助璜元有勇將解系璜用間殺之遂圍交阯先是霍弋之遣稷等約百日不救而城沒者無罪稷等日未滿而糧盡乞降璜不受給糧使守諸將並諫璜曰霍弋已死無能來者可須其糧盡乃受使彼來無罪而我取有義內訓吾民外懷鄰國不亦可乎及稷糧盡然後納之復取交阯吳因用璜爲交州刺史璜有謀策周窮好施能得人心滕脩數討南賊不能制璜謂曰南岸仰吾鐵絕弗與市必壞兵爲田器如此二年可一戰滅也脩從之果捷九真功曹李祚叛璜攻拔之旋進使持節都督交州諸軍事前將軍交州牧開置武平九德新昌三郡及九真屬國三十餘縣徵爲武昌都督交人乞留璜者千數乃遣還後主

既降晉手書遣其子融赦瑁歸順瑁涕泣送印綬詔復本職封宛陵侯改冠軍將軍時以吳平罷州郡兵瑁上言交土荒裔斗絕一方或重譯而言連帶山海南郡去州海行千餘里外距林邑才七百里夷帥范熊自稱爲王連接扶南朋黨相倚臣前後征討雖翦魁傑深山僻穴尙有逋竄臣所統七千餘人累年耗滅見存者二千四百二十人今四海混同無思不服自當卷甲銷刃禮樂是務而此州之人識義者寡厭安樂好禍亂又廣州南岸周旋六千餘里不賓屬者五萬餘戶桂林不羈萬戶服從官役才五千餘家二州唇齒惟兵是鎮又甯州輿古接據上游去交趾千六百里水陸互通勢相維繫州兵未宜省約以示單虛從之又請弛合浦采珠之禁在州三十年恩威著於殊俗及卒舉州號哭如喪私親弟濬吳鎮南大將軍荊州牧抗太子中庶子濬子湮字恭之猷字恭豫並有名湮至臨海太守黃門侍郎猷至宣城內史王導右軍長史湮子馥于湖令爲韓晃所殺追贈廬江太守瑁子威晉蒼梧太守交州帳下督梁碩殺刺史顧壽迎威領刺史在職甚得百姓心三年卒威弟淑子綬後並爲交州自甚至

通傳一

九

綬四世爲交州者五人當時榮之瑁從子回

回抗之子也少辟司空府中軍主簿並不就大將軍王敦命爲參軍轉州別駕司徒王導引爲從事中郎遷司馬蘇峻之亂與孔坦請先發制賊並出兵守江口庾亮不聽峻既渡江回復謂亮曰峻知石頭有重戍不敢直下必向小丹陽南道步來伏兵要之可一戰禽也又不聽峻果由小丹陽經秣陵夜失道執那人爲鄉導無復部分亮深悔之都城陷回還本縣收合得千餘人與溫嶠等併力攻峻又別破韓晃事平論功封康樂伯時綱雜廢弛王導以回有器幹擢北軍中候轉中護軍遷征虜將軍吳興太守東土饑詔欲聽相鬻賣以拯一時之急回上疏曰當今天下不普荒儉唯獨東土穀價偏貴便相鬻賣必遠流北賊聞之將窺疆場如臣愚意不如開倉廩以振之乃不待報輒便開倉及割府郡軍資數萬斛米以救乏絕一境獲全旣而下詔并赦會稽吳郡依回振卹在郡四年徵拜領軍將軍加散騎常侍征虜將軍如故回性雅正不懼強禦丹楊尹桓景佞事王導甚爲導所昵會熒惑守南斗經旬導語回曰南斗揚州分而

榮賊守之吾當避位以厭此譴回曰公明德作相輔弼聖主當親忠遠佞而與桓景造膝獎賊何由退舍導深愧之咸和二年以疾辭職不許徙護軍將軍未拜卒年五十一諡曰威子汪嗣爵位至輔國將軍宣城內史陋冠軍將軍隱少府無忌光祿勳兄弟咸有幹用

王鑿字茂高堂邑人父濬御史中丞鑿少以文筆著初爲晉琅邪國侍郎建興初杜弼未平鑿上牋勸王親征其略曰天禍晉室四海顛覆明公當陽九之會負伊周之重方將振長轡而御八荒掃河漢而清天塗所藉之資江南之地蓋九州之隅角垂盡之餘民耳而百越鴟視於五嶺蠻蜀狼顧於湘漢江州蕭條白骨塗地豫章一郡十殘其八繼以荒年公私虛匱倉庫無旬月之儲三軍有乏絕之色賦斂搜奪周而復始卒散民流相望於道殘弱之源日深全勝之勢未舉鑿懼雲旗返旆元戎凱入未在旦夕也昔齊旅未暮而申侯懼其老況暴甲三年介冑生蟣蝨而可不深慮者哉去年以來軍師屢失送死之寇兵厭奔命賊量我力矣雖繼遣偏裨懼未足成功也謂宜親臨江州然後方召之臣其

通傳一

力可得而宣罷之士其銳可得而奮進左軍於武昌爲陶侃之重建名將於安成連甘卓之壘南望交廣西撫蠻夷深溝高壘據要害之地六軍旣贍戰士思奮顯示大信開以生塗杜弼之頸固已鑱於麾下矣大舉役重守不可虛可委王導以蕭何之任昔五霸之世將非不良士非不勇也征伐之役君必親之故齊桓免胄於召陵晉文擐甲於城濮漢高光武征無遠近敵無大小必手震金鼓身當矢石櫛風沐雨馳騫四方然後皇基克構元勳以融魏武旣定中國親征柳城揚軻盧龍之領頓轡重塞之表劉先主躬登漢山吳僞祖親泝長江歷觀古今撥亂之主未有高拱閒居不勞而濟者也今大弊之極劇於往代崇替之命係在一人欲使鑿旂無野次之役聖躬遠風塵之勞而大功坐就鑿未見其易也參軍能遠以小醜不宜輕動乃止中興建拜駙馬都尉奉朝請出補永興令王敦請爲記室參軍未就而卒年四十一著有文集五卷弟濤字茂略有才筆歷著作郎無錫令所撰集五卷三國志評三卷濤子戡字庭堅亦官著

甘卓字季思丹楊人曾祖甯吳名將祖述尚書父昌太子太傅晉平吳卓退居里巷郡察孝廉州舉秀才爲吳王常侍討石冰有功賜爵都亭侯東海王越引爲參軍出補離狐令避亂東歸陳敏反以爲將周玘顧榮等說卓卓乃與其討敏平之元帝初鎮建鄴授卓前鋒都督揚威將軍歷陽內史攻周馥平杜弼皆苦戰立功進爵南鄉侯拜豫章太守湘州刺史進爵于湖侯遷安南將軍梁州刺史假節督沔北軍事鎮襄陽卓外柔內剛爲政簡惠估稅悉除市無二價境內魚池悉予貧民不責其租西土稱之王敦約卓同反卓陽許而陰與譙王承合謀起義敦以卓不至慮在後爲變遣參軍樂道融邀之道融說卓襲敦卓大然之乃露檄討敦遣參軍司馬讚孫雙奉表詣臺詔遷卓鎮南大將軍侍中都督荆梁二州諸軍事荊州牧卓軍次賸口累旬未前兄子卬爲敦參軍敦既入石頭乃以駱虞幡駐卓軍而使卬求和於卓且謝曰君此自是臣節不相責也吾家計急不得不爾想便旋軍襄陽當更結好卓謂卬曰使主上元吉太子無恙吾臨敦上流敦亦未敢便危社稷朕徑據武昌敦勢逼必劫天子以絕四海

通傳一

十一

之望矣不如還鎮徑思後圖卽命旋軍既至襄陽散兵大佃不爲警備襄陽太守周慮承敦指襲殺之并其四子散騎郎蕃等太甯中追贈驃騎將軍諡曰敬敬侯墓在雲臺山下子孫附墓而居者幾千家至今猶爲望族云

張闓字敬緒丹楊人曾祖昭吳輔吳將軍闓少孤有志操晉太常辭兼重之薦爲琅邪王睿安東參軍轉丞相從事中郎睿爲晉王拜給事黃門侍郎領本郡大中正以佐翼勳賜爵丹楊縣侯遷侍中元帝踐阼出補晉陵內史在郡甚有威惠時所部四縣並以旱失田闓乃立曲阿新豐塘用工二十一萬一千四百二十溉田八百餘頃歲獲豐收同郡葛洪爲作頌以擅興造坐免官尋召拜大司農帝崩爲大匠卿營建平陵俄遷尚書蘇峻兵至入宮宿衛峻擅政命持節督東軍闓因宣太后密詔令三吳起義陶侃爲盟主假闓節行征虜將軍與振威將軍陶回共督丹楊義軍運晉陵吳郡穀以給郗鑒峻平復爲尚書加散騎常侍賜爵宜陽伯遷廷尉以疾解職拜金紫光祿大夫卒年七十四著有集錄

王諒字幼成丹楊人少有幹略王敦擢參府事稍遷武昌太守初交州刺史陶威卒交阯太守梁碩迎前刺史脩則子湛行州事拒朝命永興三年敦以諒爲交州刺史將之任敦謂曰脩湛梁碩皆國賊也卿至便收斬之諒旣到境廣州刺史陶侃遣人誘湛來至諒所諒敕從人不得入閤旣前執之碩時在坐曰湛故州將之子有罪可遣不足殺也諒曰是君義故無與我事卽斬之碩怒而出諒陰謀誅碩弗克碩遂率眾圍諒於龍編大甯元年陶侃遣兵救之未至而諒敗碩逼奪其節諒固執不與遂斷諒右臂諒正色曰死且不畏譬斷何有十餘日憤恚而卒

樂道融丹楊人少有大志好學不倦與朋友信每約己而務周給有國士之風爲王敦參軍敦將圖逆遣道融邀甘卓俱下道融忿敦所爲因說卓曰主上躬統萬幾非專任劉隗今慮七國之禍故割湘州以削諸侯而王氏擅權日久卒見分政便謂被奪耳王敦背恩肆逆舉兵伐主國家待君至厚今若同之豈不負義生爲逆臣死爲愚鬼永成宗黨之恥耶君當僞許應命而馳襲武昌敦眾聞之必不戰自散大勳可就矣卓然其言然性不果決且年老多疑欲待諸軍同進出境稽遲至胙口復信敦游說將旋道融諫曰將軍起義兵而中廢爲敗軍之將恐將軍之下亦各求便雖至襄陽不可得守也卓不從道融晝夜泣涕憂憤而卒

論曰世英罷兵之議茂高親征之疏皆審時度勢不諱言兵藥之利病者也張闔陶回遇艱屯之運克成大勳而甘卓獨以遲疑致敗其露檄遠近亦足懾逆敦之魄矣王諒立節交土道融心在王朝晉書同載於忠義豈不諒哉

葛許傳第五

葛洪字稚川句容人其先有名祚者字亢先爲吳衡陽太守郡境有大槎橫水能爲妖害民立廟以祀行旅過者必禱之乃安祚將去官大具斧斤欲伐之槎自浮去其患遂息衡陽人爲祚立碑祖系吳大鴻臚從祖立字孝先好道術多異迹吳大帝嘗與遊處或止石頭四望山所一日從至洲洲還遇大風立船沈帝頗悵恨明日立步從水上來衣履不沾而有酒色旣見言曰臣昨侍從而伍

子胥見請暫過設酒忽忽不得卽委之性好飲每醉臥門前陂水中竟日乃醒帝以爲神因爲立洞玄觀於方山以居之人稱葛仙公盡以其鍊丹秘術授弟子鄭隱焉父悌晉邵陵太守洪少好學家貧畫樵采以買紙筆夜寫書誦讀性寡欲無所愛玩不知碁局幾道擄蒲齒名爲人木訥不慕榮利閉門卻掃未嘗交游惟尋書問義則不遠千里崎嶇冒涉期於必得遂究覽典籍尤好神仙導養之法執鄭隱學悉得其要南海太守鮑玄亦精內學逆占將來洪復師之玄以女靚妻洪洪傳玄業兼練醫術凡所著述皆精覈是非而才華富瞻太安中石冰作亂吳興太守顧祕爲義軍都督檄授將兵都尉攻冰別率破之遷伏波將軍冰平洪不論功賞徑至洛陽欲求異書見天下已亂乃避地南土爲稽含廣州參軍含遇害洪留積年征鎮檄命一無所就後還鄉里琅邪王睿爲丞相辟爲掾以平賊功賜爵關內侯咸和初歷揚州主簿司徒掾遷諮議參軍干寶薦洪有史才選爲散騎常侍領大著作洪固辭求爲句扁令帝以洪高資不許洪曰非欲爲榮以有丹耳帝乃從之洪遂將子姓俱行至廣州刺史鄧嶽留不

通傳一

五三

聽去洪乃止羅浮煉丹嶽表補東官太守又辭乃以洪兄子望爲記室參軍洪在山彌年後忽與嶽疏云當遠行尋師刻某日山中嶽得疏狼狽往別洪坐以須至日中嶽未至洪兀然若睡而卒年八十一色如生口輕如空衣世以爲口解得仙云洪居羅浮自號抱朴子因以名其所著書其言黃白之事者曰內篇駁雜通釋曰外篇凡百一十六篇餘文筆有神仙良吏隱逸集異等傳各十卷幕阜山記西京雜記關中記道德經序訣若干卷喪服變除要用字苑各一卷又鈔經史百家方伎雜事三百十卷金匱藥方百卷肘後要急方四卷三元遁

甲圖若干卷

許邁一名映字叔玄句容人五世祖光始居縣之都鄉吉陽里仕吳爲光祿勳曾祖季優吳尚書郎長水校尉祖休字文列同郡葛相之壻也優海道素州辟別駕不就世父尚字元甫同郡荊州刺史陶潛之壻也爲吳中書郎父副字仲先晉時歷安東征北參軍帶下邳太守後爲甯朔將軍討沈充封西城縣侯左遷郊令還拜奉車都尉從父朝字揚先同郡葛悌之壻也以氣俠聞官尋陽大

守與甘卓同謀討王敦事敗自殺兄奮字孝方有文武才出繼叔父朝爲所後弟夷吾諱死焯字行明承嫡襲封有當世局度官至淮陵太守羣字太和明爽有幹略爲虞諱參軍邁少雅靜不慕仕進未冠時嘗造郭璞璞爲之筮遇泰之上六爻發璞謂曰君元吉自天宜學升遐之道乃往候鮑靚探其至要父母尙在未忍違離乃立精舍於餘杭之懸雷山而往來茅山之洞室放絕世務以尋仙館朔望時節還家定省而已父母既歿遺婦孫氏還家遂攜其同志徧遊名山初采藥於桐廬之桓山餌木涉三年時欲斷穀以此山近人不得專一四面藩之好道之徒欲見者登樓與語以此爲樂常服氣一氣至于餘息永和二年移入臨安西山登巖茹芝眇爾自得自得有終焉之志乃改名玄字遠游與婦書告別孫氏有答書在婦人集中又著詩十二章言神仙之事王羲之造之未嘗不彌日忘歸相與爲世外交玄嘗遺羲之書云自山陰南至臨安多有金堂玉室仙人芝草左元放之徒漢末諸得道者皆在焉羲之自爲之傳述靈異之迹甚多不可詳記玄自後莫測所終人亦謂之羽化云弟謚

通傳一

西

謚一名穆字思玄同郡交州刺史陶威之壻也儒雅清素博學有才簡文帝久垂俗表之顧與時賢多所酬接仕郡主簿功曹史選補太學博士出爲餘姚令入歷尚書郎郡中正護軍長史給事中散騎常侍雖居蟬冕心在道德以兄玄嘉邈不返遂上表辭榮簡文帝不奪其志謚乃宅於茅山與楊義通探靈輿卒年七十二弟確字義玄官至通直常侍以討苻堅功封都鄉侯同郡建康令黃演及紀論皆謚女弟之謚子剛郡功曹剛子鳳游郡主簿鳳游子伏道字明之伏道子靜泰字元寶海平令靜泰子靈真亦得道剛弟聯字元暉小名虎牙敦厚信義官至永康令衛尉丞聯子赤孫字元真篤實和隱郡主簿功曹聯弟翽字道翔小名玉斧幼潔清絕世謚深器之郡舉上計掾主簿並不起居雷平山下修真後亦得道翽子黃民字元文同郡葛萬安以女妻之洪之兄孫也仕至臨沮令黃民子榮第有女名道育世謂之許大孃榮第弟慶有女名神兒世謂之許小孃皆通道術

論曰葛許二族累世好道而稚川文武兼資功成身退著書養性其有託而逃

者歟叔立結契於逸少思立見重於簡文鴻飛冥冥弋人何慕處典午之世亦庸中佼佼者矣

金陵通傳卷一

通傳

弟作儀參訂男詒紱校字

五

金陵通傳卷二目錄

第六册

王恬孫誕 誕兄子偃 偃孫瑩 瑩從父弟亮 恬弟洽 洽子珣 珣
 瞻弘從子微 微從子僧達 僧達孫融 弘玄孫冲 冲子場 場 瑜 弘從孫
 僧韓子儉 儉子騫 騫子規 規子承 訓 規子褒 僧綽弟僧
 虔 僧虔子慈 慈子泰 慈弟志 彬 寂 志從子筠 臺卿 筠孫
 胃 洽弟協 協子謚 謚子球 球曾孫肅 協弟劭 劭孫或 或從
 父惠 或兄子蘊 份 份孫銓 錫 敵 固 劭弟替 替孫華 華
 從父弟珉 恬從父弟彪之 彪之曾孫准之 送之 准之玄孫猛 族
 人抗 璵之 銅 智深 琛 昌齡 遠知 裔孫無競

第七册

顏髦 孫邵 邵子師伯 髦從孫延之 釋惠琳 延之子峻
 髦六世孫見遠 見遠子協 晃 協子之儀 之推

通傳目錄



卷六 魏 晉 齊 梁 陳 隋 唐 宋 元 明 清 各代通傳目錄

王氏傳第六

王恬字敬豫琅邪人

晉元帝渡江置琅邪僑郡於建業咸和後概從土斷故籍琅邪者皆爲郡人

晉司徒導次子也

導初渡江卜宅淮水旁郭璞筮之曰吉淮水絕王氏滅遂定居焉導長子悅字長豫事親色養先導卒恬少好武州辟別駕不就襲爵卽邱子性傲誕不拘禮法晚更折節好士多技藝奕棋爲中興第一歷中書郎後將軍魏郡太守加給事中領兵鎮石頭父憂起復轉吳國會稽內史加散騎侍郎卒贈中將軍諡曰憲弟洽協劭蒼子琨爲兒悅後襲爵丹陽侯贈太常琨子嘏字偉世尙鄱陽公主歷中領軍尙書嘏弟誕

誕字茂世少有才藻襲爵雒鄉侯爲會稽世子後軍長史琅邪內史隨府轉驃騎長史元顯討桓玄欲盡誅諸桓誕止之及玄得志將殺誕桓修救免徙廣州爲盧循所拘誕說循得還爲劉裕太尉長史盡心歸奉及盧循自蔡洲南走劉

通傳二

毅固求追討誕密白裕曰公旣平廣固復滅盧循則勳無與二豈可使餘人分之毅與公同起布衣一時相推耳今旣喪敗不宜復使立功裕然之後爲吳國內史母憂去職裕討劉毅起爲輔國將軍墨經從行時諸葛長民行太尉留府事心不自安誕請先下曰長民知下官蒙公垂盼今單身輕下必當以爲無虞可少安其意裕笑曰卿勇過賈育矣乃先還尋卒追封作唐縣五等侯有集二卷子詡早卒嘏子恢義熙末爲遊擊將軍恢弟偃字子游尙宋吳興長公主謙虛恭謹不以世事關懷位右光祿大夫卒贈開府儀同三司偃子藻尙宋臨川長公主位東陽太守藻弟懋字昌業光祿大夫南鄉侯懋子瑩

瑩字奉光尙宋臨川公主拜駙馬都尉累遷義興太守坐廢齊興歷侍中東陽太守有惠政遷吳興入爲中領軍隨王長史永元初改太子詹事中領軍遷尙書左僕射未拜會崔慧景反自京口內向瑩拒諸湖頭眾敗瑩赴水乘舫入樂游苑因還臺城蕭衍兵至假節都督宮城諸軍事梁臺建爲相國左長史天監初封建城縣公累遷尙書令瑩性情愼帝甚善之時有猛虎入郭帝意不悅瑩

欽板對曰昔擊石拊石百獸率舞陛下膺圖受籙虎象來格帝大悅眾咸服焉十五年位光祿大夫開府儀同三司丹楊尹卒諡靜恭少子實嗣官至南康嗣王湘州長史

亮字奉叔瑩從父弟也父攸字昌達仕宋位太宰中郎贈給事侍郎亮以名家子選尚公主拜駙馬都尉歷秘書丞齊竟陵王子良開西邸延才俊使工圖其象亮豫焉異遷晉陵太守在職清公建武末遷吏部尚書尚書左僕射東昏末蕭衍至新林百僚多修牋歸誠亮獨不遣建康城平朝士畢至亮復後見衍謂曰顛而不扶焉用彼相亮曰若其可扶明公豈有今日之舉因泣而去霸府開爲大司馬長史梁臺建除侍中尚書令固讓乃爲侍中中書監兼尚書令及受禪遷侍中尚書令中軍將軍封豫甯縣公天監二年轉左光祿大夫坐事削爵亮因屏居卻掃不通賓客居母喪盡禮後爲中書監加散騎常侍卒諡湯子

洽字敬和導諸子中最知名歷散騎中書郎中軍長史司徒左長史建武將軍吳郡內史徵拜領軍尋加中書令固讓晉穆帝詔曰敬和清裁貴令昔爲中書

通傳二

二

郎吾時尙小數呼見意甚親之今所以用爲令旣機任需才且欲時時相見共講文章待以友臣之義而累表固讓甚違本懷其催洽令拜終不受升平二年卒年三十六子珣珉

珣字元琳小字法護少與謝玄俱爲桓温掾温嘗曰謝掾四十必擁旄仗節王掾當作黑頭公皆未易才也轉主簿軍中機務悉委之文武數萬咸識其面從討壽陽封東亭侯轉大司馬參軍爲琅邪王友中軍長史給事黃門侍郎出爲豫章太守不之官除散騎常侍祕書監並不拜授侍中孝武好典籍珣以文學見重轉輔國將軍吳郡內史民安其政入爲尚書右僕射領吏部轉左加征虜將軍領太子詹事夢人以如椽大筆與之覺曰比當有大手筆事俄而帝崩哀册諡議皆珣所草安帝初遷尙書令王恭自京口入赴山陵惡左僕射王國寶亂政將殺之以珣言而止恭尋舉兵國寶欲害珣召之至不敢發反問計焉珣勸其放兵迎恭從之國寶遂被誅明年恭復舉兵進珣衛將軍假節都督琅邪水陸軍事事平加散騎常侍以疾解職卒年五十二贈車騎將軍諡獻穆子五

弘虞柳孺曇首

珉字季珍小字僧彌少有才藝善行書名出珣右時人語曰法護非不佳僧彌難爲兄辟主簿舉茂才不行歷著作散騎郎國子博士黃門侍郎侍中代王獻之爲長兼中書令二人素齊名世謂珉爲小令以別之年三十八卒贈太常子朗練義熙中並歷侍中練字玄明始生便解外國語及絕域奇珍銅器珠貝珉字之曰阿練遂名焉

弘字休元少好學以清悟知名初爲晉會稽王驃騎主簿襲父業焚其積券餘財委之諸弟居憂三年徵召一無所就桓玄克建業收會稽王道子付廷尉羣吏莫敢瞻送弘獨道側泣辭太尉劉裕召拜鎮軍諮議參軍以功封華容縣侯累遷太尉左長史宋國建爲尙書僕射掌選領彭城太守後遷江州刺史省賦簡役百姓安之永初元年進爵爲公三年入朝加衛將軍開府儀同三司少帝景平二年徐羨之謀廢立召弘還都文帝卽位以定策進司空封建安郡公固辭見許加車騎大將軍羨之既誅遷侍中司徒揚州刺史錄尙書事給班劍三

通傳一

二

十人帝西征謝晦與彭城王義康居守入任尙書下省引隊仗出入元嘉五年大旱弘引咎避位乃遷衛將軍儀同三司六年解揚州司徒與義康分錄尙書事又辭弘博練政事斟酌得宜嘗上言舊制八年十二半役十六全役今四方無事應存消息請以十五至十六爲半丁十七爲全丁從之尋進太保領中書監卒以本官贈給節加羽葆鼓吹增班劍爲六十人諡文昭配食武帝廟廷弘爲人望所宗造次必存禮法凡所施爲及書翰儀體眾競倣倣謂爲王太保家法雖歷藩輔不營財利身後家無餘業著有書儀十卷并集子錫字寡光太子左衛率錫子僧亮齊受禪降爵爲侯僧亮弟僧衍官侍中弘少子僧達

僧達少好學善屬文宋文帝聞其早慧召見德陽殿應對閒雅乃以臨川王義慶女妻之除太子舍人坐屬疾而於揚烈橋觀鬪鴨被糾原不問性喜鷹犬與閭里少年相馳逐遷太子洗馬母憂服闋拜宣城太守徙義興元凶弒逆孝武發尋陽沈慶之曰王僧達必來赴義俄而果至孝武卽以爲長史及卽位轉向書右僕射僧達自負才地三年便望宰相嘗答詔曰亡父亡祖司徒司空其自

貢如此後爲護軍將軍不得志乃求徐州止不許以爲吳郡太守坐免孝建二年除太常又罷大明中以歸順功封甯陵縣侯累遷中書令黃門郎建康路瓊之太后兄慶之孫也宅與僧達鄰嘗盛車服詣僧達僧達謂曰身昔門下騶人路慶之者是君何親遂焚瓊之所坐牀太后大怒帝庇之會彭城釋曇標與陸監石期等謀亂事覺因以陷之收付廷尉賜死帝每悔恨曰王僧達遂不免死追思太保餘烈使人慨然有集十卷子道珍徙新安元徽中爲廬陵內史道珍子融

融字元長博學能文齊初舉秀才累遷太子舍人轉祕書丞從叔儉有儀同之授贈儉詩及書儉奇之笑謂人曰穰侯印詎便可解歷丹楊丞中書郎永明末武帝欲北侵使毛惠秀畫漢武北伐圖置琅邪城射堂壁上游幸輒觀之融因陳北侵之議九年芳林園讌集使融爲曲水禊飲詩序當時稱之尋兼主客接魏使房景高等應對不窮融高自標置三十內望爲公輔及爲郎嘗撫案歎曰爲爾寂寂鄧禹笑人行遇朱雀桁開路人填塞乃拋車壁曰車中乃可無七尺

通傳二

四

車前豈可乏八騶及魏軍動竟陵王子良於東府募人板融甯朔將軍軍主武帝疾篤融欲矯詔立子良不果鬱林王卽位十餘日收付廷尉賜死有文集及淨住子頌行於時

冲字長深弘立孫也祖僧衍父茂璋字角光仕梁位給事黃門侍郎尙新安長公主生冲武帝鍾愛之賜爵東安侯累遷侍中南郡太守政號平理曉音律習歌舞貴游之中聲名籍甚侯景之亂冲求解郡以讓王僧辯並獻女伎十人以助軍賞事平授丹楊尹紹泰中遷光祿大夫尙書左僕射開府儀同三司給扶陳武帝受禪領太子少傅加特進左光祿大夫領丹楊尹文帝卽位益加尊重嘗從幸司空徐度宅宴賜以几光大元年卒贈司空諡元簡子瑒

瑒字子瑛沈靜有器局美風儀梁季官太子中庶子陳武帝入輔除司徒左長史文帝卽位復遷中庶子散騎常侍侍中父冲爲辭中庶子文帝曰所以久留瑒於承華欲使太子微有瑒風法耳宣帝時歷中書令吏部尙書遷尙書左僕射加侍中參選瑒居家篤睦每歲時饋遺徧及近親敦誘諸弟稟其規訓卒贈

特進諡曰光子弟瑜字子珪有容表年三十官至侍中陳永定元年使齊齊以王琳故囚之幾死者數矣楊愔每救護之天嘉二年還朝卒諡貞子

瞻字思範弘從孫也弘弟虞字休仲位廷尉卿虞子深字景度有美名位新安太守虞弟柳字休季位光祿大夫東亭侯柳子猷字世倫位侍中光祿大夫卽瞻父也瞻年六歲從師有伎經門同業皆出觀瞻獨不視從父僧遠異之曰大宗不衰寄之此子年十二居父憂以孝聞襲封東亭侯頗好逸游及長折節修士操善某工射獵書記齊時歷驃騎長史除晉陵太守潔己爲政妻子不免饑寒王敬則誅將究其餘黨瞻時在都言愚人易動不足窮法帝從之所全萬數遷御史中丞梁臺建轉侍中吏部尚書每飲酒彌日而神明朗爽武帝謂其有三術射棊酒也卒諡康侯子長玄

微字景玄弘弟光祿大夫孺之子也少好學善屬文工書兼解音律及醫卜宋文帝賜以名著初爲始興王友父憂服闋除南平王鑠右軍諮議參軍仍爲中書侍郎時兄遠免官歷年微歎曰我兄無事屏廢我何得叨忝踰分帝卽除遠

通傳二

五

光祿勳微爲父好古詞頗抑揚袁淑見之謂爲訴屈吏部尚書江湛舉微爲吏部郎微素無宦情辭不就其從弟僧綽宣帝旨使蒞職因留宿微仰視天文知將有變謂僧綽曰此上不欺人惟智者可免尋有元凶之亂微常住門屋一間尋書玩古牀席凝塵唯坐處獨淨弟僧謙亦有名爲太子舍人遇疾微爲治之而僧謙服藥失度遂卒微深自咎恨發病不復療後四旬而終遺命薄葬無子家人遵之著有文集行世贈祕書監兄遠字景舒位光祿勳時人謂遠如屏風屈曲從俗能蔽風露言不乖物理也遠子僧祐

僧祐字肩宗幼聰悟爲從兄儉所重每鳴笳列騶往候之僧祐輒稱疾不前世兩重焉未弱冠頻經憂居喪至孝服闋髮落殆盡舉秀才爲驃騎法曹羸疾不堪受命雅好老莊工草隸善鼓琴亭然獨立不交當世劉瓛重之薦爲著作佐郎遷司空祭酒謝病不與公卿游轉齊晉安王文學武帝數閱武獻講武賦儉欲借觀不與竟陵王子良聞其通音律進琴請彈不從命永明末爲太子舍人

黃門郎卒官子籍

籍字文海仕齊爲餘杭令政化如神善於擿伏又令錢唐政爲數十年所未有詩才似謝靈運草書蓋孔琳之流亞梁天監中爲湘東王諮議參軍隨府轉會稽郡至若邪溪賦詩云蟬噪林逾靜鳥鳴山更幽劉孺見之擊節尋坐免起爲中散大夫瀾不樂途中見相識輒以笠傘覆面後爲作唐侯相卒官湘東王集其文爲十卷

曇首弘之弟也幼有素尚兄弟分財唯取圖書辟晉琅邪王大司馬屬從至洛陽還及彭城與戲馬臺宴賦詩太尉裕深加賞歎曇首智局宏整喜愠不形閨門雍肅手不執金玉婦女亦不得以爲飾玩自非祿賜一毫不取宋初爲宜都王鎮西長史武帝謂爲輔相才勅王每事咨之及王被迎議者多疑曇首與從兄華勸行元嘉初以侍中領驍騎將軍與誅徐美之謝晦謀遷太子詹事時兄弘爲上所信任彭城王義康忌之曇首欲避寵固乞吳郡文帝曰賢兄比屢稱疾欲辭揚州之任若相申許此處非卿而誰豈有建大廈而遺棟梁者乎弘久疾屢請罷不許曇首勸其減府兵力之半以配義康義康乃悅七年卒年三十七帝臨喪悲慟贈光祿大夫以誅亂功追封豫甯縣侯諡曰文孝武卽位詔配文帝廟廷有集錄二卷子僧綽

通傳一

六

僧綽少好學練習朝典年十三襲父封哽咽受爵向東陽公主由江夏王司徒參軍累遷尚書吏部郎參選任舉咸盡其分生平深沈有器局不以才能高人轉侍中時年二十九宋文帝頗以後事爲念欲相付託令參朝政從兄微懼其太盛勸令抑損乃乞外不見許會巫蠱事洩帝使尋求廢立舊典太子劭於東宮亨士僧綽密以啟聞且勸上速斷及劭弒立轉僧綽吏部尚書後從巾箱檢得密啟乃收殺之孝武卽位追贈金紫光祿大夫諡曰愍侯有集一卷

初太社西空地

本吳丁奉宅吳後主流徙其家晉時周顓蘇峻袁悅章武王秀遷居之皆以凶終及宋初給臧熹亦遇禍故世稱凶地僧綽嘗謂宅無吉凶請以爲第始造未及敗子儉

儉字仲寶耆古篤學賓客或相稱美叔父僧虔曰我不患此兒無名政恐名太盛耳乃手書崔子玉座右銘遺之幼襲父爵年十八解褐祕書郎太子舍人超拜祕書丞依七略撰七志四十卷表獻之又撰定元徽四部書目母憂服闋爲

司徒右長史進令公府長史宋蒼梧時補義興太守昇明初長兼侍中以父終此職不拜太尉道成引爲長史專見任用大典將行禮儀詔策皆出其手齊臺建遷尚書右僕射領吏部高祖踐阼改封南昌縣公建元二年轉左僕射初宋明帝紫極殿極金玉之飾帝欲以其材起宣陽門儉與僧虔連表諫止江左宮城外六門設竹籬帝欲改立都牆儉又諫帝曰吾將使後世無以加也朝廷初基制度草創儉問無不決帝每日天爲我生儉未幾解選以本官領太子詹事帝崩遺詔以儉爲侍中尚書令鎮軍每朝令史常有三五十人隨咨事辨析無壅武帝卽位給班劍二十人進號衛將軍掌選永明二年領丹陽尹兼國子祭酒太子少傅宋時置總明觀以集學士時以旣立國學省之於儉宅開博士館移總明四部書充之又詔卽家爲府四年復領吏部先是宋孝武好文章天下莫專經業儉弱年便治三禮尤善春秋發言造次必於儒者由是經學大興何承天禮論三百卷儉鈔爲八帙又別鈔條目爲十三卷朝儀舊典撰次諸憶無遺漏者所以當朝理事判決如流十日一還監試諸生巾卷在庭劍衛令史儀

通傳一

七

容甚盛作解散幘斜插髻朝野效之常曰江左風流宰相惟有謝安蓋自況也五年卽本號開府儀同三司固讓六年重申前命七年儉表求解選改領中書監參掌選事其年疾帝臨視卒年四十八贈太尉諡文憲儉寡嗜欲唯以經國爲務重服塵素家無餘財手筆典重撰有尚書音義四卷春秋公羊音二卷古今喪服記附圖共四卷禮答問三卷禮義答問八卷禮雜答問十卷百家集譜十卷古書儀二卷弔答書儀二卷并文集行世梁天監初詔爲儉立碑降爵爲侯弟遜官晉陵太守儉子騫

騫字思寂本字玄成取仍世作相之義後避齊諱改焉性凝簡慕樂廣爲人未嘗言人短諸女子姪皆嬪王尙主期望來歸輜軒填咽非所欲也勅歲中不得數見嘗從容言曰吾家本素族自可依流平進不須苟求也歷黃門郎司徒右長史永元末召爲侍中不拜梁臺建引爲大司馬諮議參軍遷侍中天監初降封侯歷度支尚書中書令生平不事產業有舊墅在鍾山八十餘頃導賜田也與諸宅共佃之每曰我不如鄭公業有田四百頃而食常不周以此爲愧及武

帝造大愛敬寺欲就市之騫曰此田不賣若勅取所不敢言帝怒遂付市評價以直逼還之由是出爲吳興太守悒悒不樂尋除度支尚書領射聲校尉母憂去職普通三年卒贈侍中金紫光祿大夫諡曰安弟暕字思晦風神警拔尚齊淮南長公主拜駙馬都尉歷祕書丞梁初爲侍中吏部尚書領國子祭酒復爲尚書左僕射有集二十一卷卒諡曰靖騫子規

規字威明幼丁母憂有志性齊太尉徐孝嗣稱爲孝童年十二通五經長博涉善辯論爲本州迎主簿起家祕書郎累遷太子洗馬梁天監中造大極殿規獻賦甚工尋爲晉安王雲摩諮議參軍拜新安太守父卒襲爵遷中書黃門侍郎勅侍東宮昭明太子重之普通中陳慶之克洛陽百官皆賀規退曰可弔也我孤軍無援深入寇境將爲厲階矣俄果覆沒六年帝餞元景隆於文德殿詔羣臣賦詩規詞最美即日授侍中復爲晉安王長史王爲太子仍除散騎常侍太子中庶子拜吳郡太守徵爲左戶尚書郡人乞留不得乃樹碑紀德政焉規以門宗貴盛常思減退及爲中庶子領步兵校尉遂辭疾築室於鍾山宋熙寺以

通傳一

八

居卒贈光祿大夫諡曰文撰有續漢書注二百卷文集二十卷從弟承字安期暕子也初爲祕書郎歷中書黃門侍郎兼國子博士遷長史兼侍中俄轉國子祭酒祖儉父暕皆爲此職時人榮之出爲東陽太守政存寬惠卒諡曰章承性簡貴右衛朱异用事每休沐車馬填門唯承及弟幼不至當世以爲難幼弟訓字懷範小字文殊幼有識量父暕曰不墜基業其在此子年十三暕亡憂毀家人莫識初補國子生射策除祕書郎轉至丞拜侍中美容儀善進止文章爲後進領袖卒諡溫子

褒字子深規子也七歲能文弱冠舉秀才除祕書郎太子舍人善草隸梁武帝嘉其才以鄱陽王恢女妻之襲南昌縣侯歷祕書丞宣城王文學拜安成內史侯景陷臺城褒韞甯所部轉南平內史元帝召爲吏部尚書右僕射進左丞魏圍江陵都督城西諸軍事城破例遷長安周文帝謂褒及王克曰吾王氏甥也卿等並吾之舅氏勿以去鄉介意於是拜褒車騎大將軍儀同三司孝閔初封石泉縣子明帝篤好文學褒與庾信特見親待因加開府保定中除內史中大

夫武帝作象經褒注之建德以後頗參朝議凡大詔冊皆令具草尋授太子少保遷少司空出爲宜州刺史卒官

僧虔僧綽弟也初爲太子舍人退默少交接獨與袁淑謝莊善遷司徒左西屬僧綽爲宋元凶所害親賓咸勸之逃僧虔泣曰吾兄奉國以忠貞撫我以慈愛若同歸九原猶羽化也孝武初除武陵太守遷中書郎太子中庶子後爲御史中丞領驍騎將軍甲族向不居憲臺王氏分支居烏衣者位宦微減僧虔爲此官曰此是烏衣諸郎坐處我亦可試爲耳泰始中爲吳興太守徙會稽中書舍人阮佃夫假歸或勸宜加禮接僧虔曰我立身有素豈宜屈意此輩坐是免官尋以白衣領侍中元徽中拜吏部尚書加散騎常侍轉右僕射昇明初遷尚書令飛白書省壁曰圓行方止物之定質修之不已則溢高之不已則慄馳之不已則墮引之不已則跌是故去之宜疾當時以比坐右銘焉兄子儉每見輒以忠貞止足勗之素工草隸好文史解音律屢上表請正聲樂齊初轉侍中丹楊尹高帝素能書僧虔上羊欣所撰能書人名一卷遷湘州刺史清簡不事財產

通傳二

九

百姓安之武帝卽位以風疾乞解加侍中左光祿大夫開府儀同三司固辭許之永明三年卒贈司空諡簡穆著書賦儉爲注序甚工子慈

慈字伯寶年八歲外祖宋江夏王義恭迎之內齋物恣所取慈取素琴石硯孝子圖而已後歷吳郡太守大司馬長史侍中領步兵校尉司徒左長史素患劇疾齊武帝勅聽乘車在仗後故事所未有也已出爲東海太守轉冠軍將軍廬陵王中軍長史未拜永明九年卒贈太常諡曰懿子泰字仲通少好學手所鈔三千餘卷及長通和溫雅喜愠不形於色姊夫齊江夏王鋒遇害外生子友孤弱撫訓逾於子姓梁天監元年爲祕書丞自齊永元之末後宮火延燒祕閣圖書散亂殆盡泰請校定繕寫武帝從之歷中書侍郎掌吏部選事請屬不行轉黃門侍郎每預朝宴刻燭賦詩文不加點沈約常曰王有養炬謝有覽舉養泰小字炬筠小字也累遷廷尉卿侍中都官尚書吏部尚書改散騎常侍左驍騎將軍未拜卒諡曰夷子廓

志字次道慈弟也九歲居母喪哀毀長尚宋安固公主拜駙馬都尉齊時歷司

徒長史遷宣城內史清謹有恩惠郡人張倪吳慶爭田久不決聞志到官相率請罪以所爭爲閒田轉東陽太守獄有重囚十餘冬至日悉遣還家過節皆返唯一人失期志曰此自太守事主者勿憂明日果至以婦孕故吏人歎服尋爲吏部尚書崔慧景平例加右軍將軍封汝後侯固讓改領右衛將軍及蕭衍兵至城內殺東昏百官署名送首志歎曰冠雖弊可加足乎取庭樹葉衣服之僞問歸衍覽牋見無志名心重之引爲驃騎長史梁臺建位散騎常侍中書令天監初爲丹楊尹政尚清靜都下有寡婦無子舉責以葬姑志愍其義以俸錢償焉值歲饑每旦爲粥以食餓者三年解尹事杜門謝客九年進金紫光祿大夫卒諡曰安志善篆隸有書聖之稱家居建康禁中里馬糞巷父僧虔門風寬恕志尤敦厚所歷不以罪咎劾人兄弟子姓皆篤實謙和時人號馬糞諸王爲長者志有五子緝休謹操素志弟揖位太中大夫揖弟彬

彬字思文好文章習篆隸與志齊名時人語曰三萐六草爲天下寶齊武帝起舊宮彬獻賦文辭典麗尙臨海長公主拜駙馬都尉歷太子中庶子徙永嘉太

通傳一

十

守卜室於積穀山有終焉之志梁天監中歷吏部尚書祕書監立身清白推賢接士有士君子風卒諡曰惠弟寂字子玄性迅動讀范滂傳未嘗不歎悵王融敗後賓客多歸之齊建武初欲獻中興賦兄志謂曰汝膏粱年少何患不達不鎮之以靜將恐貽譏乃止後仕至祕書郎卒年二十一

筠字元禮一字德柔揖之子也七歲能文年十六作芍藥賦及長清靜好學與從兄泰齊名仕梁爲尙書殿中郎沈約深賞異之筠又能用強韻每公宴並作辭必妍靡遷太子洗馬中舍人掌東宮管記爲昭明太子所重轉中書郎奉勅製開善寺寶誌法師碑文筆麗逸又勅撰中書表奏三十卷及所上賦頌都爲一集尋爲太子家令普通元年母憂去職毀瘠過禮大通二年爲司徒左長史勅製昭明哀冊文復見嗟賞俄歷臨海太守祕書監太府卿度支尙書簡文帝立爲太子詹事同時有刑獄參軍王臺卿亦揚州人爲南平世子恪賓客多與簡文唱和筠家累千金經侯景之亂舊宅被焚乃寓居國子祭酒蕭子雲家夜有盜攻懼墜井而卒家人十三日同遇害其文章以一官爲一集自洗馬中庶

子吏部左佐臨海太府各十卷尙書三十卷凡百卷子祥仕陳爲黃門侍郎
子旻字元恭博學多通少有盛名仕陳歷太子洗馬中舍人入隋爲學士煬帝
卽位除祕書郎卒官旻弟胄

胄字承基少有逸才仕陳歷太子舍人東陽王文學隋滅陳晉王廣引爲博士
仁壽末從征林邑以功授帥都督大業初爲著作佐郎嘗和御製之關詩煬帝
以爲氣高致遠與虞綽齊名友善楊玄感傾襟結納焉從役遼東授朝散大夫
諸葛穎譜之帝愛其才而不罪及玄感敗坐徙邊道亡爲吏捕斬所著詞賦多
行於世

協字敬祖導四子也晉撫軍將軍襲爵武岡侯早卒無子以弟劭子謚嗣

謚字稚遠少有美名拜祕書郎襲爵遷丞歷中軍長史黃門郎侍中桓玄時加
至司徒兼太保封武昌縣開國公初劉裕爲布衣眾未之識也惟謚獨奇貴之
謂曰卿當爲一代英雄及裕破玄謚以本官加侍中領揚州刺史錄尙書事義
熙二年卒年四十八追贈侍中司徒謚文恭子瓌球琇入宋皆至大官而球最

通傳二

十一

知名

球字精玉少與從父兄惠齊譽仕宋爲太子中舍人宜都王友諮議參軍元嘉
中王弘兄弟貴盛球終日端拱未嘗相往來弘亦雅敬之歷官侍中中書令吏
部尙書時中書舍人徐爰有寵帝命球與之相知球曰士庶區別國之章也臣
不敢奉詔帝改容謝焉球簡貴不事交遊門無異客王曇首常云精玉亦是玉
卮無當耳居選職不視求官書疏而銓衡有序遷光祿大夫領廬陵王師除尙
書僕射以腳疾解朝直江夏王義恭啟曰王球誠有素譽頗以物外自許端任
或非所長帝曰誠知如此要是時望所歸昔周伯仁終朝飲酒而居此任所以
崇素德也尋以白衣領職年四十九卒贈特進光祿大夫無子以從子粹子奐
爲後奐位雍州刺史爲齊武帝所誅奐子肅

肅字恭懿少聰辯仕齊爲祕書丞以家禍奔魏說孝文帝以圖南之略拜輔國
大將軍長史賜爵開陽伯肅固辭伯爵許之俄詔肅攻義陽頻破齊軍除持節
都督豫州刺史揚州大中正尋徵入朝詔曰肅丁荼魘世忠等伍有窮踰再期

蔬縕不改有司依禮諭之爲裁練禫之制以破齊將裴叔業功進鎮南將軍加都督四州諸軍事封汝陽縣子表讓不許初齊之收肅父奐也奐司馬黃瑤起手刃奐及魏平漢陽獲瑤起勅付肅殺之孝文道崩遺詔以肅爲尙書令行途喪紀悉以委焉旣而尙陳留長公主賜錢二十萬帛三千疋肅請行考課法從之裴叔業以壽春附魏拜肅使持節都督江西諸軍事率師馳赴齊豫州刺史蕭懿屯小岷交州刺史李叔獻屯合肥肅進師討擊大破之禽叔獻走懿及還京師宣武帝臨東堂勞之進開府儀同三司封昌國縣侯尋爲散騎常侍都督淮南諸軍事揚州刺史自晉世衰亂禮樂崩壞孝文雖釐革變易猶有未盡肅明練舊事虛心受委朝儀國典咸出手定而清身好施簡絕聲色終始廉約家無餘財景明二年卒於壽春年三十八贈侍中司空公諡宣簡弟康字文政涉獵書史宣武初攜兄子誦翊衍入魏拜中書侍郎卒於幽州刺史誦字國章肅長兄融與元長同名非元長也之子也神氣清雋任魏歷散騎常侍光祿大夫右將軍幽州刺史長兼祕書監給事黃門侍郎遇害河陰贈尙書左僕射司空公諡文宣

通傳一

翊字士游肅次兄深之子也好學有文才官濟州刺史入領國子祭酒卒贈司空公衍字文舒官至西兗州刺史爲爾朱仲遠所禽以其名高久乃釋之有故人竺毓被害衍贍其妻子終身後卒於侍中贈尙書令司徒公諡文獻

劭字敬倫導第五子也美姿容有風操雖左右未嘗見其墮弛仕晉歷東陽太守吏部郎司徒左長史丹楊尹遷吏部尙書尙書僕射領中領軍出爲建威將軍吳國內史卒贈車騎將軍諡曰簡子二穆字伯遠臨海太守默吳國內史左光祿大夫恢右衛將軍穆子智少簡貴宋武帝重之仕至五兵尙書封建陵縣子卒贈太常智弟僧朗位尙書右僕射以兄無子使子或爲智後

或字景文後避宋明帝諱以字行美風儀袁粲見之歎曰景文非但風流可悅乃哺歎亦復可觀性好言理與謝莊齊名宋文帝甚相欽重時明帝方爲湘東王文帝爲之娶景文妹而以其名名之孝武時歷司徒左長史侍中領射聲校尉左衛將軍加給事中太子中庶子坐事白衣領職景和元年爲尙書右僕射明帝卽位加領左衛將軍除丹楊尹父憂起復原官辭僕射出爲江州刺史加

都督服闋乃受封江安縣侯固讓不許後徵爲尚書左僕射領吏部揚州刺史加太子詹事不願還朝帝手詔譬之固辭詹事領選尋徙中書令常侍餘官如故又進中書監太子太傅帝以諸子並幼慮身後景文憑恃外戚不爲純臣深忌之景文懼請解揚州不許泰豫元年帝疾篤遣使送藥賜景文死手詔曰卿周旋欲全卿門戶故有此處分景文正與客某叩函看復還封置局下神色不變某畢徐以勅示客曰奉詔賜死門客焦度憤曰大丈夫安能坐受死州中文武數百人足以一奮景文曰知卿至心若見念者爲我百口計乃墨啟答勅並謝手詔酌謂客曰此酒不可相勸仰飲而卒年六十贈開府儀同三司諡曰懿長子綯字長素蚤慧先景文卒諡曰恭世子次續字叔素齊時仕至太常次約梁時仕至廷尉續子儁儁子克陳時仕尚書右僕射

惠字令明或從祖默之子也幼衷簡嘗與謝瞻辨論文史言清理遠晉太尉劉裕聞其名引爲行參軍遷世子中軍長史偶臨曲水風雨暴至坐者駢散惠徐起不異常日宋國初建當置郎中令王難其人謂傅亮曰今用郎中令不可滅

通傳一

十三

袁曜卿旣而曰吾得其人矣以惠居之景平初爲吏部尚書初召卽拜未嘗接客人有與書求官得輒聚問上及去職印封如故卒贈太常無子

蘊字彥深或兄子也父楷太中大夫蘊初爲廣德令宋明帝卽位四方兵起以將領自奮每撫刀曰龍泉太阿汝知我者事平封吉陽男累遷給事黃門侍郎桂陽王之亂力戰重創踣御溝側或扶以免尋爲湘州刺史與沈攸之謀討蕭道成不克死

份字季文亦或兄子也父粹字景深黃門侍郎份仕宋爲始安內史袁粲死親故無敢視者份獨往致慟由是顯名齊時歷大司農祕書監入梁爲散騎常侍領步兵校尉兼起部尚書武帝嘗問羣臣朕有爲無份曰陛下應萬物爲有體至理爲無帝稱善後官侍中特進左光祿大夫監丹楊尹卒諡胡子子琳字孝璋位司徒左長史齊時娶梁武帝妹義興長公主有子九人並知名

銓字公衡琳長子也尚梁永嘉公主拜駙馬都尉學業雖不及弟錫而孝行與齊世以爲玉昆金友母疾銓形貌瘠人不復識及居喪哭泣無常因得氣疾

歷官侍中丹楊尹卒於衛尉卿子溥字伯淮尙簡文女餘姚公主

錫字公淑幼警悟與兄弟受業至應休散輒留不起精力不倦致損右目年十三爲國子生旋舉清茂除祕書郎再遷太子洗馬時昭明尙幼勅使人宮與太子遊不限時日以戚屬封永安侯普通初宴魏使劉善明於南苑詔錫與張纘接待詞辯蜂起善明深相歎挹累遷吏部郎中年二十四卽稱疾不仕掩扉覃思室宇蕭然諸子温清隔簾趨侍公主乃命穿壁使子涉混觀之卒年三十六諡貞子有集七卷錫弟僉字公會八歲居父喪哀毀過禮後仕至太子中庶子卒贈侍中諡恭子僉弟通字公達仕陳至特進左光祿大夫卒諡曰成通弟勸勸字公齊博涉書史不以利欲干懷仕梁爲河東王功曹史將隨王之藩張纘時典選舉曰王生才地豈可遊外府乎奏爲太子洗馬歷至南徐州別駕從事史大同末帝幸武進過朱方勸隨侍所經山川顧答無滯從登北顧樓賦詩辭義清典尋出爲河東王長史南海太守王還朝攝廣州事入爲給事黃門侍郎侯景之亂奔江陵除晉陵太守承兵饑之後爲政清平徵爲侍中遷五兵尙

通傳二

志

書會魏軍至元帝徵湘州刺史蕭循入援以勸監湘州及敬帝承制加中書令侍中歷司空丞相長史轉廣州刺史未行改衡州阻於王琳不得之鎮留大庾嶺陳太建元年擢尙書右僕射東境大水復拜晉陵太守在郡甚有威惠郡人立碑頌德徵爲中書監重授尙書左僕射領右軍將軍卒諡温子勸弟質字子貞仕陳至都官尙書卒諡安子質弟固

固字子堅少清正梁時以帝甥封莫口亭侯歷丹楊尹丞湘東承制以爲相國戶曹屬掌書記性信佛法聘魏復昆明池魏主以南人嗜魚大設罔苦固用佛法呪之一無所獲又於宴請救一羊羊向之跪足而拜承聖元年爲太子中庶子遷尋陽太守魏克江陵固之鄱陽隨兄質度東嶺居信安縣陳永定中移吳郡天嘉中歷中書令散騎常侍國子祭酒以其女爲太子妃禮遇甚重廢帝卽位授侍中金紫光祿大夫宣帝時以廢帝外戚免官禁錮太建中卒於太常卿諡恭子固虛靜寡欲居喪以孝聞及丁所生母憂遂終身蔬食子寬位侍中舊字敬文導第六子也性雅素少歷清官除吏部郎侍中建威將軍吳國內史

時年饑粟貴賈以私米作粥食餓者徵補中領軍不拜徙尚書領中護軍復爲征虜將軍吳國內史桓沖表薦江州刺史不就轉督浙江東五郡左將軍會稽內史進鎮軍將軍散騎常侍卒贈衛將軍子獻愿太子中庶子司徒左長史陸安初丁母憂居吳王恭舉兵討王國寶假嚴建威將軍吳國內史嚴使響應及國寶誅恭椒厥解兵不從爲恭將劉牢之擊敗不知所終其長子泰被殺泰弟華

華字子陵年十三罹家難隨沙門曇冰逃得免遇赦乃出以父存亡不測布衣蔬食不交遊者十餘年晉太尉劉裕欲收其才用乃發厥喪使華制服服闋辟北徐州主簿遷別駕宋初爲宜都王西中郎主簿諮議參軍轉司馬王將入奉大統以少帝見害不敢下華曰先帝有大功於天下四海所服雖嗣主不綱人望未改徐羨之中才寒士傅亮布衣諸生非有晉宣帝王大將軍之心也畏廬陵嚴斷將不見容殿下寬宥慈仁越次奉迎冀以見德悠悠之論殆必不然羨之亮晦又要檀道濟王弘同功孰肯相讓勢必不行今日就徵萬無所慮王從

通傳一

十五

之曰卿復爲宋昌矣令總後任文帝卽位除侍中右衛將軍遷護軍將軍卒年四十三以功追封新安縣侯諡曰宣

琨華從父弟也少謹篤晉時爲郎中駙馬都尉奉朝請入宋歷宣城晉熙太守孝建中除吏部郎出爲平越中郎將廣州刺史加都督南土沃實在任者當致巨富琨一無所取表獻祿奉之半鎮舊有鼓吹又啟輸還罷任孝武知其清問還資多少琨曰臣買宅二十萬餘物稱之尋拜歷陽內史轉新安王北中郎長史再歷度支尚書加光祿大夫出爲吳郡太守徙中領軍坐事降光祿大夫復加大常及金紫擢散騎常侍駁虞祿社稷各一神議明帝末除會稽太守加都督降爲冠軍順帝初進右光祿大夫及齊受禪百僚陪列琨攀順帝畫輪纒尾嗚咽不自勝建元中領武陵王師加侍中時王儉爲相屬用東海郡迎吏琨使謂曰語郎三臺五省皆是郎用人外方小郡當乞寒賤省官何得復奪之尋解王師及高帝崩琨聞國諱牛不在宅去臺數里遂步行入宮朝士皆謂曰故宜待車有損國望琨曰今日奔赴皆自應爾卒年八十四贈左光祿大夫爲人謙

慎老而不渝性復鯁直惟儉於財用設酒不過兩盃鹽豉薑蒜之屬竝挂屏風酒漿悉置牀下內外有求手自賦之且避諱過甚父名釋母名恭心並不得犯焉

彪之字叔虎導從弟彬子也年二十須鬢皓白人稱王白須初除著作佐郎東海王文學遷武陵王鎮軍司馬歷尚書左丞司徒左長史御史中丞侍中廷尉會稽王昱訪救於彪之答曰中興以來郊祀往往有赦愚意常謂非宜郊祀必赦凶愚之輩將生心於僥倖矣從之轉吏部尚書會稽王欲以曲安遠補句容令奚朗補湘東守二人皆以卜術得幸彪之竟執不從桓温聲言北伐兵下武昌殷浩欲遜位避之彪之言於會稽王曰浩若去職人心崩駭天子獨坐任其責者非殿下而誰又謂浩曰彼若抗表問罪卿爲其首事任如此猜釁已構欲作匹夫豈有全地且當靜以俟之令相王手書示款誠陳成敗當必旋旆若不順命卽遣中詔如復不奉乃以正義相裁奈何無故愆愆先自披猖於是爲書止温温果還鎮殷浩將復洛陽彪之在疾告上會稽王賤陳秦謀容有詐未可

通傳一

六

輕進不從遂有山桑之敗轉領軍遷僕射不拜徙太常或告武陵王晞修甲仗將謀非常彪之曰武陵志在田獵耳願深靜之以鎮異同會稽王甚悅或舉桓温弟雲鎮豫州彪之曰雲不必非才然温居上流已割天下之半其弟復處西藩兵權萃一門非深根固蒂之宜也乃止遷鎮軍將軍會稽內史加散騎常侍在郡八年豪右斂迹亡戶歸者三萬餘口以忤桓温檻車徵會赦免謫尚書頃之復爲僕射簡文帝崩或欲請温處分彪之正色曰君崩太子代立大司馬何容得異若先面詔必爲彼所責矣温疾諷朝廷加九錫彪之見袁弘所爲文曰卿固大才安可以此示人俄而温卒乃罷遷尚書令轉護軍加散騎常侍謝安欲更營宮室彪之曰中興卽位東府儉陋甚矣元明二帝亦不改制蘇峻之亂成帝止蘭臺都坐殆不蔽寒暑是以改作今強寇未殄正修兵養士之時幸可繕完何必大興工力以勞百姓安不能奪年七十二加光祿大夫開府儀同三司未拜而卒卽以爲贈諡曰簡子臨之孫納之並御史中丞納之弟襄之字道茂位司空諮議參軍納之子准之字元魯自曾祖彪之博聞多識練習朝儀

家世相傳並諸江左舊事緘之青箱世謂王氏青箱學准之兼明禮傳贈文辭初爲晉太尉主簿出補山陰令有能名預討盧循功封都亭侯宋臺建除御史中丞百僚憚之坐事免武帝受命拜黃門侍郎元嘉中歷侍中都官尙書改領吏部遷丹楊尹平生究識舊典問無不對所撰儀注咸見遵用卒贈太常從弟

遠之字宣約瓌之子也少好學仕宋爲吳令昇明末王儉重儒術遠之以著作郎兼尙書左丞參定齊國儀禮初儉撰古今喪服集記遠之難儉十一條更撰世行五卷喪服五代行要記十卷禮儀制度十三卷國學久廢齊建元二年遠之表請立學轉國子博士兼著作永明起居注歷南康相光祿大夫加給事中平生率素衣裳不澣几案塵黑年老手不釋卷尤明譜學撰續百家譜四卷南族譜二卷百家譜拾遺一卷建武二年卒從弟珪之位長水校尉撰齊職儀五十卷其中中軍參軍顯上其書詔付祕閣准之孫進之

進之征虜主簿輿之之子也仕齊爲給事黃門侍郎扶風太守蕭衍兵起所在

通傳二

七

響應進之不隨鄰郡修謁衍嘉其志梁臺建歷尙書左丞廣平天門二郡太守左衛將軍封建甫公尋卒子清梁時歷散騎常侍金紫光祿大夫鎮東府長史新野東陽二郡太守安南將軍封中盧公承聖末陳霸先攻杜龕清救之爲歐陽顛所殺清子猛

猛字世雄本名勇五歲遭家禍母章攜之遁免長通經史諳兵法以父故終陳文帝之世如居喪禮宣帝立乃始釋褐都陽王府中兵參軍再遷永陽王錄事參軍慷慨慕功名疏陳安邊拓境之策詔隨吳明徹略地以功封應陽縣子累轉太子右衛率徒晉陵太守威惠並舉盜屏迹富商野次云以付王府君至德初徵爲左驍騎將軍加散騎常侍孔範害其梗直將出之會廣州刺史馬靖拒命乃除猛都督東衡州刺史領始興內史往取靖卽時禽送建鄴進爵爲公加先勝將軍平越中郎將大都督發兵討嶺外荒梗皆平之禎明二年拜鎮南大將軍都督二十四州諸軍事旋命徙鎮廣州未之鎮而隋師臨江遂率所部入援及臺城不守乃舉哀素服藉藁不食歎曰中包胥獨何人哉因勒兵緣江

備禦後審後主不死遂遣使歸款於隋文帝大悅詔猛仍留嶺表經略猛母妻先居建邺因隨後主入京勅賜宅及什物甚厚尋討平山越璽書褒賞以其子繕爲開府儀同三司未幾猛卒贈上開府儀同三司封歸仁縣公命繕世襲仍授晉州刺史仁壽元年繕弟績表陳猛志求葬關中詔許之仍贈使持節大將軍宋州刺史都督三州諸軍事諡曰成

素字休素彪之四世孫也高祖翹之晉光祿大夫曾祖望之祖泰之並不仕父元弘位平固令素少有志行家貧母老隱居不仕宋孝建大明泰始中屢徵不就聲譽甚高山中有蛟音清長而其形怪醜素乃爲鉉賦以自況卒年五十四有集十六卷南朝時琅邪王氏又有瓊之抗錮智深琛山

瓊之有才學事宋竟陵王誕孝武帝激誕反使沈慶之討之瓊之乘城慶之縛其五子示而招之許以富貴瓊之曰吾受王厚恩不可以貳三十之年未獲死所耳安可以私親誘之及城陷與五子并死抗亦生宋時棋品居第一銅爲齊豫章王鎮西功曹以吏能自進智深字雲才善屬文亦歷齊豫章王大司馬參軍兼記室奉勅撰宋記遷竟陵王司徒參軍免官卒於家琛素工書梁武帝嘗令書古婦人事分給後宮山字簡栖有學業爲頭陀寺碑文詞典麗仕梁歷郢州從事征南記室天監四年卒

通傳一

六

遠知琅邪王氏疏族也祖景賢梁江州刺史父曇選陳揚州刺史母丁嘗晝寢夢鳳集其身而有孕又聞腹中啼聲釋實誌謂曇選曰生子當爲神仙宗伯也遠知少聰敏博綜羣書初入茅山師陶弘景陳主聞其名召入重陽殿令講論甚見嗟賞及隋晉王廣鎮廣陵召之遠知來謁斯須而須髮變白王懼而遣之俄復其舊旣踐帝祚遣員外郎崔鳳舉就邀之遠知見於臨朔宮帝親執弟子禮勅都城起玉清玄壇以處之大業末帝幸江都遠知諫不從唐初秦王平洛陽與房玄齡微服訪之遠知迎謂曰此中有聖人得非秦王乎太宗旣立將加重位固乞還山許之貞觀九年勅潤州於茅山置太受觀并度道士二十七人其年卒年百二十六歲調露二年追贈太中大夫諡曰昇真先生武后臨朝加贈金紫光祿大夫改諡昇玄

無競字仲烈弘之十一世孫也父侃唐棗州司馬無競有文學應下筆成章科及第授藥城尉歷祕書省正字右武衛倉曹洛陽尉遷監察御史轉殿中日更侍直宗楚客楊再思偶語無競前曰朝禮至敬公等大臣不宜輕易以慢恆典楚客等大怒轉爲太子舍人神龍初坐訶詆權倖出爲蘇州司馬再貶卒於廣

州

昌齡字少伯江甯人亦導裔也僑居京兆登唐開元十五年進士第補祕書郎三十二年中宏詞超絕羣類科調汜水尉遷江甯丞晚貶龍標尉爲閩邱曉所害有集六卷緒密而思清弁詩格一卷詩人稱王江甯從弟璵亦能詩

論曰南朝世家並稱王謝然陽夏甲族無關土斷烏衣之宅京邸而已始興華胄冠冕中興五代相承至唐未替景純之占信而有徵矣至於逸少一支誓墓不出占籍東土不復屢入蓋其慎也

顏氏傳第七

顏髻字君道琅邪人也父舍從晉元帝渡江官左光祿大夫僑居江乘髻仕至

通傳一

九

侍中光祿勳封西平侯弟約零陵太守有政績子緝字文和州西曹騎都尉緝弟暢暢子邵剛方有局力爲宋謝朓領軍司馬從至江陵爲諮議參軍領錄事軍府之務悉委焉邵慮晦有禍求出爲竟陵太守未及之郡會晦見討與邵謀舉兵邵仰藥卒邵子師伯字長深少孤貧涉獵書傳頗解聲樂弟師仲臧質瑁也質爲徐州辟師伯主簿武陵王繼質師伯仍爲輔國安北行參軍大被知遇王鎮尋陽板爲參軍掌刑獄及討元凶轉主簿既踐位以爲黃門侍郎遷侍中封平都縣子親幸莫比尋以青州刺史破魏擢吏部尚書右軍將軍進尚書右僕射坐事免復領太子中庶子孝武臨崩與受顧命廢帝卽位加領衛尉又遷尚書僕射領丹楊尹帝多失德師伯以社稷故與柳元景謀廢立事覺弁六子俱見殺蓋曰荒

延之字延年約孫也父顯晉護軍司馬延之好讀書文章絕世與謝靈運齊名妹適劉穆之子憲之穆之聞其才將仕之先欲相見延之不往也初爲豫章公世子中軍行參軍劉裕北伐有宋公之授府遣延之慶殊命行至洛陽周視故

宮室懷然咏黍離篇武帝受命補太子舍人周續之開館都下儒學者稱延之連以簡要折之再遷中舍人少帝卽位出爲始安太守加領軍將軍元嘉二年徵拜中書侍郎釋慧琳者秦郡人

秦郡當今六合

學兼內外嘗著均善論又注孝經及

莊子逍遙篇文帝賞愛之嘗升獨榻延之因醉白帝曰昔子同參乘袁絲變色此三台之座豈可刑餘居之轉太子中庶子領步兵校尉以屢犯權要出爲永嘉太守屏居者七載帝嘗問以諸子才能對曰竣得臣筆測得臣文冀得臣義躍得臣酒何尙之囑曰誰得卿狂笑曰其狂不可及閒居無事爲庭誥文以訓子弟俄起爲始興王後軍諮議參軍御史中丞遷國子祭酒坐事免復爲祕書監光祿勳太常人以其胸襟褊激肆意直言呼爲顏彪然居身儉約不營財利布衣蔬食獨酌郊野當其自適旁若無人孝武卽位以爲金紫光祿大夫領湘東王師長子竣貴重領朝凡所資供一無所受器服宅宇不改其舊常乘羸牛策車或騎馬出遊里巷逢竣鹵簿卽屏住道側每語竣曰平生不喜見要人今不幸見汝見竣起宅謂曰善爲之母令後人笑汝拙也表解師職加給親信二十人偶早過竣遇賓客盈門竣猶未起怒曰恭敬搏節福之基也驕很傲慢禍之始也況出冀土之中而昇雲霄之上傲不可長其能久乎孝建三年卒年七十二贈特進諡憲子撰有誥幼文三卷纂要六卷禮逆降義三卷漢書決疑十三卷并集行世

通傳一

竣字士遜少有文義宋武陵王引爲撫軍主簿甚被寵遇隨府轉安北領軍北中郎府主簿王鎮尋陽遷南中郎記室以父延之致仕固求解職賜假未發而文帝凶問至王舉兵入討轉諮議參軍領軍錄事任總內外王有疾自沈慶之以下皆不堪相見唯竣出入臥內斷決軍機孝武踐阼歷侍中右衛將軍封建城縣侯孝建元年轉吏部尙書領驍衛將軍留心選舉南郡王義宣反以竣兼領右將軍丹楊尹加散騎常侍時歲旱人饑竣上言禁楊一月息米近萬斛復爲吏部尙書領太子右衛率未拜丁父憂起爲右將軍丹楊尹如故竣固辭不許竣自以藩邸舊臣每極陳得失無所回避帝寔不悅大明元年出爲東揚州刺史母憂不聽去職恩待猶厚御史中丞庾徽之希旨奏免官及竟陵王誕作

逆誣其通謀下獄賜死子辟羈徙交州又於宮亭湖沈殺之竣有詩文集并詩例錄婦人詩集行世竣弟測亦以文章見知官至大司馬錄事參軍以兄貴爲憂先竣卒測弟臯官至中書侍郎族子幼明齊時以使臣聘魏有名

見遠緜玄孫也曾祖靖之字茂之晉宣城太守御史中丞祖騰之字宏道宋巴陵太守度支校尉善草隸書有風格父炳之字叔豹齊輔國江夏王參軍亦能書見遠博學有志行齊和帝鎮江陵以爲錄事參軍及卽位兼御史中丞梁武帝受禪見遠不食發憤數日而卒子協

協字子和少有器局博涉羣書工草隸及飛白梁湘東王鎮荊州以爲記室荆楚碑碣皆所書時藩邸競致賓客邵陵王府有記室參軍顏晃字元明亦其族也少孤貧好學有辭采東宮庾信使府中王使晃接待信輕其年少曰此府兼記室幾人晃曰猶當少於東宮學士侯景之亂奔荊州承聖中除中書侍郎陳天嘉初累遷員外散騎常侍兼中書舍人掌誥制卒贈司農卿諡貞子晃勞無戚援而介然修立其表疏下筆立成有集二十卷協家雖亦孤貧然修飾邊幅

通傳一

三

非車馬不出舅謝暕有鞠養恩居其喪如諸父又感家門事義不求顯達恆解徵辟仕終王府元帝後爲懷舊詩以傷之協撰有晉仙傳五篇日月災異圖二卷文集二十卷子之推之儀

之推字介世善周官左氏學之推年十二遇梁湘東王講莊老便與門徒虛談非其所好還習禮傳博覽書史辭情典麗王引爲右常侍加鎮西墨曹參軍尋爲湘東世子中撫軍府外兵參軍掌管記元帝卽位以爲散騎侍郎奏舍人事俄沒於周掌陽平公李遠書勸遇河水暴漲將妻子奔齊文宣悅之卽除奉朝請引於內館中侍從左右復待詔文林館拜司徒錄事參軍掌知館事判署文書遷通直散騎常侍領中書舍人處事勤敏進黃門侍郎周兵陷晉陽以爲平原太守令守河津齊亡入周爲御史上士隋開皇中爲太子文學未幾卒撰有文集三十卷家訓二十篇冤魂志三卷證俗音字五卷子思魯愍楚

之儀字升三歲能讀孝經及長博涉羣書好爲辭賦嘗獻梁元帝荊州頌辭致雅瞻尋沒於周明帝以爲麟趾學士稍遷司書上士武帝初建東宮盛選師傅

以之儀爲侍讀尋拜小宮尹封平陽縣男宣帝初遷上儀同大將軍御正中大
夫進爵爲公帝刑政乖僻昏縱日甚之儀犯顏驟諫帝以其恩舊優容之宣帝
崩劉昉鄭譯等矯遺詔以楊堅輔政之儀知非帝旨拒而弗肯署曰主上升遐
嗣子冲幼阿衡之任宜在宗英方今賢戚之內趙王最長以親以德合膺重寄
公等備受朝恩當盡忠報國奈何一日以神器假人之儀有死而已不能誣罔
先帝昉等知不可屈乃代署而行之丞相堅後索符璽之儀又正色曰此天子
之物自有主者宰相奈何索之堅大怒欲殺之以其人望出爲西疆郡守隋開
皇初徵還京師進爵新野縣公尋拜集州刺史在州清靜夷夏悅之明年代還
遂優游不仕十年之儀例入朝文帝望而識之命引至御坐謂曰見危授命臨
大節而不可奪古人所難何以加卿乃賜錢十萬米百石十一年卒有集十卷
行世

論曰琅邪顏氏自含始居江乘然在咸和土斷之先猶爲寓籍也西平零陵兄
弟濟美延年則坦率靜退文筆猶其餘事中丞大節矯世厲俗足爲宗姓之光
至介升隨例北遷復其本土其後嗣子孫家唐碑言之最詳無與金陵家世故
不著云

金陵通傳卷三目錄

第八冊

諸葛長民 侃 張約之 董僧慧

第九冊

徐爰 子希秀 孫泓 劉係宗 紀僧眞 弟僧猛 子交卿

第十冊

司馬端 子筠 司馬褻 司馬暲 子延義

第十一冊

阮長之 從兄萬齡 宗人韜 阮孝緒 陶季直 陶子鏘 諸葛璩 紀少瑜 阮卓

第十二冊

陶弘景 釋寶誌

第十三冊

昌義之 消于量 吳明徹

通傳卷三目錄

第十四冊

陶弘景 釋寶誌

第十五冊

陶弘景 釋寶誌

第十六冊

陶弘景 釋寶誌

第十七冊

陶弘景 釋寶誌

第十八冊

陶弘景 釋寶誌

第十九冊

陶弘景 釋寶誌

諸葛張董傳第八

諸葛長民陽都人陽都隸琅邪郡亦僑置江乘晉太元中琅邪諸葛有名侃者應募爲北府兵嘗從謝玄破秦兵復盱眙官至前軍督護長民有文武幹用桓玄引爲參軍坐事免尋爲豫州刺史刁逵參軍劉裕謀舉兵討玄與其結盟刻期襲歷陽失期不得發爲逵所執檻送京師至當利而玄敗送人共破檻出之還趣歷陽禽逵拜輔國將軍宣城內史與劉敬宣共破桓歆於芍陂討新淦縣公以本官督淮北軍鎮山陽義熙初南燕入寇卻之進使持節青州及揚州之晉陵都督青州刺史領晉陵太守鎮丹徒及何無忌爲徐道覆所敗長民率眾入衛因勅南康相郭澄之妖賊伐木積年隱蔽不言欺誤無忌當斬詔原之盧循兵將至與孟昶共勸北遷劉裕不從令備石頭事平轉督豫州及揚州之六郡豫州刺史領淮南太守裕將謀禪代浸忌之未幾襲劉毅於荊州以長民監太尉留府事長民見毅被殺內不自安私問劉穆之曰人言太尉與我不平何也穆之曰公今西征老母弱弟皆委將軍何謂不平長民弟黎民勸及裕未還而圖之長民猶豫未決既而歎曰貧賤常思富貴富貴必履危機今日欲爲布衣豈可得也穆之密報裕裕兼程而下刻日當至輒愆其期突以輕舟潛入東府明日長民始聞驚而入謁裕伏壯士拉殺之并害其弟黎民幼民

張約之堂邑人耿介不阿宋初除吉陽令景平元年朝廷欲廢廬陵王義真徐羨之傅亮之謀也約之疏諫不納遂見殺

董僧慧丹楊人爲齊江州刺史晉安王子懋防閣時宣城郡公鸞有異謀子懋欲起兵誅之曰事成則宗廟獲安不成猶爲義鬼僧慧曰此州雖小宋孝武帝常用之若舉兵向闕請鬱林王之罪誰能禦之未幾謀洩子懋被殺僧慧死之

論曰宋武受命先除異己長民同功勢不相下雖智昧識時要爲晉室之忠臣也約之不從執政意旨洞見邪謀其被殺宜矣僧慧位不踰典籤而獨忠於所事殆庸中之佼佼者乎類爲是編所以愧夫世之志節不堅自謂通權達變者

徐劉紀傳第九

徐爰字長玉南琅邪開陽人本名瑗以與傅亮父同名改焉初爲晉琅邪王大司馬府中典軍從北征微密有意理爲宋武帝所知少帝在東宮入侍左右文帝初又見親任歷殿中侍御史南臺御史始興王後行參軍復侍東宮遷員外散騎侍郎元嘉二十九年王玄謨等北侵配爰五百人隨軍稿礮衝中旨臨時宣示孝武至新亭江夏王義恭南奔爰時在殿內許劭追義恭因得出走值孝武將卽大位軍府造次不曉朝章爰素諳其事及至莫不喜悅以兼太常丞撰立儀注尋兼尙書右丞遷左丞孝建六年領著作卽創國史爰欲專爲一家之書上表起元義熙爲王業之始載序宣力爲功臣之斷於是內外博議太宰義恭等三十五人同爰說巴陵王休若尙書金部郎檀道鸞二人謂宜以元興三年爲始太學博士虞詡謂宜以開國爲宋公元年詔曰項籍聖公前史已有成例桓玄傳宜在宋典餘如爰議孝武崩營景甯陵以本官兼將作大匠爰歷事三朝委寄甚重朝廷大禮儀皆賴以決廢帝時爲黃門侍郎領射聲校尉封吳平縣子明帝初改領長水校尉兼尙書左丞尋除太中大夫著作作竝如故泰始三年以罪徙交州還除南康郡丞轉濟南太守加中散大夫元徽三年卒年八十二著有禮記音二卷宋書四十二卷三國志評三卷雜逸書六卷并合皇覽八十四卷與集行世子希秀甚有學解開篆隸正覺禪靈二寺碑卽其書也當爰徙交州帝謂希秀曰比當令卿父還希秀再拜答曰臣父年老恐不及後恩帝大嗟賞卽召爰還希秀位至驍騎將軍淮南太守希秀子泓甚閑吏職仕齊歷位臺郎秣陵建業二令湘東太守

劉係宗丹楊人少便書畫爲宋竟陵王誕子景粹侍書誕敗勅赦之爲東宮侍書泰始中轉主書以寒宦累至勳岳元徽中爲奉朝請兼中書通事舍人員外郎封始興南亭侯帶秣陵令蕭道成廢蒼梧使寫諸處分及四方書疏皆稱旨及踐阼除龍驤將軍建康令永明中爲右軍將軍淮陵太守兼舍人白賊唐寓之起宿衛兵東討遣係宗隨軍慰勞徧至遭賊郡縣脅從悉無所問武帝曰此段有征無戰百姓又安甚快也賜以錢帛時欲修白下城難於動役係宗啟謫

役在東人丁隨寓之爲逆者從之後車駕出講武履行白下城曰劉係宗爲國家得此一城係宗久在朝省閑於職事每魏使書至常令題答祕書局皆隸之再爲少府武帝稱之曰學士輩不堪經國唯讀書耳經國一劉係宗足矣沈約王融數百人於事何用其勤吏事如此鬱林卽位除甯朔將軍宣城太守建武二年卒官

紀僧眞秣陵人初事宋征西將軍蕭思話及子惠開惠開性苛僧眞以微過見罰旣而委任如故及罷益州還都不得志僧眞事之愈謹惠開卒乃事道成於淮陰以閑書題令答遠近書疏自寒宦歷至冠軍府參軍主簿淮陰修城得古錫跌九枚下有篆文莫能識僧眞獨曰此何須辨文字蓋九錫之徵也僧眞又夢蒿艾滿江鷺白之道成曰詩人采蕭艾卽蕭也蕭生斷流卿勿廣言其見親如此後除南臺御史領軍功曹道成將廢立僧眞與其密謀昇明元年除員外郎帶東武城令轉給事中道成嘗坐東府城樓望石頭僧眞在側道成曰諸將勸我誅袁劉我意未願便爾暨沈攸之事起從道成入朝堂袁粲據石頭道成

通傳二

三

遣軍掩取宮中望石頭火光及叫聲甚盛人懷不測僧眞曰叫聲不絕必官軍所攻也火光起者賊不容自燒其城非官軍勝而何已而果然道成出頓新亭使僧眞領千人在帳內初道成在領軍府令僧眞學其手迹下名至是報答書疏皆付僧眞道成觀之笑曰我亦不復別也及道成將拜齊公已刻日有楊祖之謀於臨軒作難僧眞請更選吉辰已而祖之事覺齊公曰無卿言亦當小致狼狽此何異溲洌之冰轉齊國中書舍人建元初帶東燕令封新陽縣男除羽林監遷尙書主客郎太尉中兵參軍兼中書舍人高帝疾甚令典遺詔永明元年以建威將軍除南太山太守復爲舍人僧眞容貌言吐雅有士風武帝嘗目送之笑曰人生何必計門戶紀僧眞堂堂貴人所不及也尋除前軍將軍建武初轉遊擊將軍兼司農明帝欲令臨郡僧眞啟進其弟僧猛爲鎮蠻護軍晉陵太守永泰元年除司農卿明帝崩掌山陵事出爲廬陵內史卒兄弟皆有風姿舉止並善隸書僧眞著有玉璽譜一卷僧猛能飛白書作飛白賦僧眞子交卿甚有幹用

論曰徐爰劉係宗紀僧真受任時君並參權要才堪經國亦妙文辭而南史以劉紀寒門列入恩倖不亦誣乎長玉史識卓有千古著述繁富其爲二人之冠歟

司馬氏傳第十

司馬端字敬文晉譙王承六世孫也晉自南渡以來諸王子孫世居建業端父亮宋司空從事中郎端仕齊奉朝請始安王遙光使掌文記遙光之敗曹虎入城見之端曰身蒙始安厚恩君宜見殺虎叱令速去答曰死生命也君見事不捷便以義師爲賊虎捨之去尋爲亂兵所殺子筠字貞素少孤貧好學師事沛國劉瓛強力專精及長博通經術尤明三禮梁天監初爲旣陽令有清績入拜尚書祠部郎後爲尚書左丞卒於始興內史筠子壽傳父書亦明三禮官至尚書祠部郎曲阿令

司馬襲字元表晉高密王純曾孫也祖讓之宋員外常侍父燮通二禮仕齊爲國子博士襲少傳家業手不釋卷劉瓛嘉其勤學與樂安任昉善昉亦推重之

通傳二

四

梁天監初詔定五禮襲以尚書祠部郎修嘉禮凡所建白多見施行兼中書通事舍人每吉凶禮羣儒疑不能斷者多取決焉累遷御史中丞出爲宣毅南康王長史行府國並石頭戍軍事襲雖居外勅豫文德武德二殿長名問訊不限日遷晉安王長史卒撰有嘉禮儀注一百一十二卷文集十卷

司馬暘字文昇晉南頓王宗後也高祖柔之官侍中父子產梁武帝之外兄位岳陽太守暘聰敏有至性年十二喪母水漿不入口者經旬每號慟必至悶絕父強進以粥然猶毀瘠骨立服闋入見武帝哀之謂子產曰昨見羅兒面顏憔悴使人惻然便是不墜家風可謂有子矣羅暘小字也累遷正員郎丁父艱哀毀愈甚廬於墓側日進薄粥一升墓在新林連接岡阜暘居廬數載豺狼屏迹常有兩鳩栖宿廬側馴狎異常承聖中除太子庶子魏克荊州隨例入長安時梁宗屠戮太子殞瘞失所及周受禪暘以宮臣抗表求還江陵改葬周主優詔答之即勅荊州以禮安厝陳太建八年自周還宣帝特降殊禮歷位通直散騎常侍太中大夫卒有集十卷子延義字希忠少沈敏好學初隨父入關丁母

憂喪過於禮及嵩還南延義乃躬扶靈柩晝伏宵行冒履冰霜手足皸瘃至都
遂致孳廢數年乃愈位終司徒從事中郎

論曰敬文忠於所事不愧譙王之裔而貞素博通經術與元表齊名可謂克家
有子矣文昇父子孝義出乎天性肯堂肯構不隕家聲懿矣哉

三阮二陶諸葛紀傳第十一

阮長之字景茂尉氏人

晉安帝置尉氏僑縣於江北隸秦郡當今六合地

祖思曠晉金紫光祿大夫父

普驃騎諮議參軍長之年十五喪父有孝性除服後猶蔬食積年閒居篤學無
惰容初爲諸府參軍母老求補襄垣令督郵無禮鞭之去職宋初爲武昌太守
王弘刺江州雅相知重引爲車騎從事中郎時郡田祿以苾種爲斷此前去官
則一年秩祿皆入後人長之去郡代人未至以苾種前一日解印綬初發都親
故或以器物贈別得便緘錄後歸悉以還之爲中書郎直省夜往鄰省誤著屐
出閤依事自列門下以闇夜人不知不受列長之固遣送曰一生不悔暗室元
嘉十一年除臨海太守在官常擁敗絮至郡少時母亡葬畢不勝憂卒前後所

通傳三

五

莅官皆有風政爲後人所思文帝深惜之曰景茂方堪大用豈直以清苦見惜
子師門原鄉令長之從兄萬齡黃門侍郎甯子也少知名爲孟昶建威長史與
袁豹江夷相係人謂昶府有三素望尋由左戶尙書太常出爲湘州刺史卒於
散騎常侍金紫光祿大夫宗人韜字長明仕宋爲南兖州別駕刺史江夏王義
恭逆求資費錢韜曰此朝廷物執不與孝武選侍中四人並以風貌韜與王或
謝莊何偃與焉常充兼假至始興王師卒

阮孝緒字士宗尉氏人父彥之宋太尉從事中郎以清幹稱孝緒七歲出繼從
伯胤之胤之母周卒遺財百萬孝緒一無所納盡以歸胤之姊王晏之母乳人
憐其傳重辛苦竊玉羊金虎等物與之孝緒見而駭愕啟父送還王氏年十三
通五經十五冠而見其父彥之誠曰三加彌尊人倫之始宜思自勗以庇爾躬
答曰願迹松子於瀛海追許由於穹谷庶保促生以免塵累自是屏居一室家
人莫見其面親友因呼爲居士年十六父喪不服綿纊雖蔬菜有味亦吐之外
兄王晏屢至其門孝緒輒穿籬逃匿不與相見知其貴顯將傾也及晏誅人咸

爲懼孝緒曰親而不黨何坐之及竟獲免齊建武末青溪宮東門自崩大風拔東宮門外楊樹孝緒歎曰青溪皇家舊宅齊爲木行東爲木位今東門自壞木其衰矣及梁武兵圍建業家貧無以爨僮妾竊鄰墓樵以繼火孝緒知之乃不食更令撤屋而炊所居以一鹿牀爲精舍樹環繞之嘗出鍾山聽講母王氏忽有疾心驚而反合藥須得生人獲舊傳鍾山所出孝緒躬歷幽險累日不逢俄見一鹿前行隨至一所而滅就視果獲此草今所傳隨鹿谷是也天監初任昉尋其兄履之欲造不敢望而歎曰其室雖邇其人甚遠自是欽慕風譽者莫不懷刺斂衽望塵而息比部郎裴子野言其年十餘歲時隨父爲湘州行事不書官紙以成親之清白其志行類管幼安其采章似皇甫謐薦於尙書徐勉後祕書監傅照又疏舉之徵辟竝不到孝緒姊爲鄱陽王妃王嘗命駕欲見之孝緒鑿垣而逃王諸子亦不之識或問其故孝緒曰我本素賤不應爲王侯姻戚邂逅所逢豈關始願年五十八卒太子綱厚賻之子恕述先志不受門徒私諡曰文貞處士撰有七錄削繁等百八十一卷高隱傳三篇

通傳三

六

陶季直秣陵人祖愍祖宋廣州刺史父景仁中散大夫季直早慧愍祖愛之嘗以四函銀置前令諸孫各取其一季直時年四歲獨不取曰若有賜當先父伯不應度及諸孫愍祖益奇之五歲喪母哀若成人初母未病令於外染衣卒後家人始贖季直抱之號慟聞者酸感及長好學淡於榮利徵召不起時人號爲聘君尋爲望蔡令以病免齊初爲尙書比部郎轉司空主簿再遷東莞太守在郡清和俄爲鎮西諮議參軍武帝崩蕭鸞專政季直不能阿意取容出爲輔國長史北海太守復留爲驃騎諮議參軍兼尙書左丞遷建安太守爲政安靜百姓便之梁臺建爲給事黃門侍郎常稱仕至二千石始願畢矣無爲久預人間事乃辭疾還里天監中就拜太中大夫武帝曰梁有天下遂不見此人尋卒於家貧至無以爲斂焉著有京都記

陶子鑄字海育秣陵人父延尙書比部郎兄尙宋末爲侍臣所怨被繫子鑄公私緣訴流血稽顙行路嗟傷逢謝超宗下車相訪因詣建康令勞彥遠曰豈忍見人昆季如此而不留心彥遠感之兄得釋母終居喪盡禮與范雲鄒雲每聞

其哭聲必動容改色欲相申薦會雲卒乃止初子鏘母者尊母沒恆以供奠梁武義師初至此年冬營尊不得子鏘病恨慟哭絕而復蘇遂斷葷味終身

諸葛璩字幼玖南琅邪人幼事徵士關康之博涉經史復師臧榮緒榮緒著晉書璩有發擿之功方之壺遂齊建武初南徐州行事江祀以璩安貧守道請辟爲議曹從事明帝許之璩辭不至東海太守謝朓下教揚其風概餉穀百斛梁天監中舉秀才不就而性勤誨誘來學者日眾居宅狹陋不能容太守張友爲起講舍璩處身清正妻子不見喜愠之色後卒於家所著文集二十卷門人劉敞集而錄之

紀少瑜字幼瑒秣陵人本姓吳養於紀氏因而命族少孤有志節常慕王安期之爲人年十三能屬文初爲京華樂王僧孺見而賞之嘗夢陸倕以一束青鏤管筆授之文因日道年十九始遊太學備探六經因博士鮑敝有疾代之講誦發言敏捷釋褐爲梁晉安王中尉歷宣城王侍讀當陽公郢州功曹參軍轉輕車限內記室坐事免大同七年拜東宮學士邵陵王在郢啟求學士武帝以少

通傳二

七

瑜充行少瑜美容貌工藁草吏部尚書到溉嘗云此人有大才而無貴仕將拔之會溉去職遂除武陵王記室參軍未幾卒

阮卓尉氏人祖詮梁散騎侍郎父問道岳陽王記室參軍卓幼聰敏篤志經籍尤工五言性至孝父卒於江州時年十五自都奔赴絕水漿者累日還渡蠡湖中流遇風仰天悲號船僅得全陳天嘉元年爲新安王記室參軍隨府轉翊右記室帶撰史著士及平歐陽紇交阯夷獠往往聚爲寇抄卓奉使招慰交阯通日南象郡多金翠珠貝珍怪之產前後使者皆致之唯卓挺身而還人服其廉後爲始興王中衛府記室參軍叔陵以亂誅後主曰阮卓素不同逆宜加旌異至德元年入爲德教殿學士尋兼通直散騎常侍聘隋隋主夙聞其名遣顏之推薛道衡等與卓談宴賦詩賜遺加禮還除南海王諮議參軍以目疾辭退居里舍改構亭宇修山池卉木招致賓友以文酒自娛陳亡入隋行至江州追感其父沒所遭疾卒

論曰阮陶葛紀皆南朝之貴族或以循良著望或以敦行成名或奮迹於文儒

或潛心於隱遯雖趣尙異旨要皆克荷門業不墜家風者也土宗幼攻其諸賢之翹楚歟

陶誌傳第十二

陶弘景字通明秣陵人吳荊州牧潛七世孫也祖隆王府參軍父貞孝昌令母郝嘗夢兩天人手執香爐來至其所而生弘景弘景幼有異操年四五歲卽以菘爲筆畫灰學書十歲得葛洪神仙傳晝夜研求便有養生之志父爲妾所害弘景終身不娶及身長七尺七寸朗目疏眉長額聳耳耳毛出外二寸許右膝有黑子作七星文讀書萬餘卷善善琴棋工草隸齊初爲諸王侍讀除奉朝請家貧求宰縣不遂永明十年脫朝服挂神虎門上表辭祿詔許之賜以束帛勅所在月給茯苓五斤白蜜二斤以供服餌及發公卿祖於征虜亭供張甚盛於是止於句容之句曲山因中山以立館自號華陽陶隱居人閒書札皆以隱居代名始從東陽孫游嶽受符圖經法遍歷名山尋訪仙藥每經澗谷必吟咏坐嘯其閒沈約爲東陽太守高其志節累書要之不至永元初更於所居築三層

通傳二

樓自處其上弟子居其中賓客至其下與物遂絕唯一家童得到其所素使馬射晚皆不爲但聽吹笙而已特愛松風庭院皆植松每聞其響以爲樂性好著述老而彌篤尤明陰陽五行風角星算山川地理方圓產物醫術本草帝王年祿當造渾天象高三尺許地居中央天轉而地不動以機運之悉與天會又深慕張良爲人云古賢無比齊末爲歌曰水丑木爲梁字及梁武兵至新林遣弟子戴猛之假道奉表又進圖讖武帝旣早與之遊卽位後恩禮愈篤錫以鹿皮巾復手勅招之辭不至然國家每有吉凶討伐大事無不咨之時人謂爲山中宰相天監四年移居積金東澗辟穀導引年逾八十而有壯容末年一眼有時而方先是帝使造年祿至己己歲加一朱點實太清三年也又製詩云夷甫任散誕平子坐論空豈悟昭陽殿遂作單于宮若預知侯景之亂者大同三年自刻亡日仍爲告逝詩而卒年八十五顏色不變香氣氤氳詔贈太中大夫諡曰貞白先生無子以從兄子松喬嗣所著有易髓毛詩序注鄭玄三禮目錄注孝經論語集注學苑帝代年祿古今州郡記圖象集要老子注鬼谷子注天儀說

要麻象括星詩五行運氣七曜新舊術數占候本草集注效驗方肘後百一方
大清草木集要太清諸丹集要服餌方握鑑方玉置記練化雜術真人水鏡養
性延命錄上清搖中訣真靈位業圖導引養生圖神仙玉芝瑞草圖合丹法式
古今刀劍錄草堂法師傳陶隱居集今唯真誥登真隱訣周氏冥通記存

釋寶誌不知何許人生於句容東陽市鷹巢中朱氏婦取以爲子七歲依鍾山
法儉出家都邑往來稍顯靈迹被髮徒跣語默不倫或披錦袍飲啖同於凡俗
恆以鏡銅剪刀鑷屬拄杖負之而趨一日中分身易所遠近驚傳齊武帝忿其
惑眾收付建康獄旦日咸見遊行市里旣而檢校猶在獄中其夜又語獄吏門
外有兩輿食金鉢盛飯汝可取之果是文惠太子及竟陵王子良所供養縣令
呂文顯以啟帝乃迎入華林園少時忽重著三布帽俄而武帝崩文惠太子豫
章獻王相繼薨齊亦從此季矣靈味寺釋寶亮欲以衲被遺之未言寶誌忽來
牽被而去蔡仲熊嘗問仕何所至了自不答直解杖頭左索繩擲與之後官至
尚書左丞永明中住東宮後堂從平旦門出入末年忽褰裳走云血污衣至鬱

通傳二

九

林見害犢車載尸出此門血果流於門限焉梁武帝尤深敬事實誌雖剃須髮
而常冠下裙帽納袍故俗呼誌公好爲識記所謂誌公符是也高麗聞之遣使
齋綿帽供養天監十三年示寂於興皇寺帝爲造塔謚廣濟大師勅琅邪王筠
爲碑所撰有文字釋訓若干卷

論曰通明博學著書幽深耽道迹與抱朴相近其以蕭梁之世運數告終而故
託神仙自晦乎寶誌事雖近怪而前知之道不外至誠茅蔣鍾靈篤生奇士二
人近之矣

昌消子吳傳第十三

昌義之烏江人

烏江當今江浦

少有武幹爲馮翊戍主梁武帝督雍州因事帝亦厚

遇之及起兵板爲輔國將軍軍主每戰必捷天監元年封永豐侯累遷北徐州
刺史鎮鍾離四年大舉北侵義之爲前軍攻魏梁城戍克之尋還鎮五年冬魏
中山王英率眾數十萬圍鍾離衝車毀西墉時城中眾才三千義之隨方抗禦
魏軍死者與城平六年曹景宗章叡救之大破魏軍義之率輕兵追至洛口而

還以功進號軍師將軍再遷都督南兖州刺史坐事免十三年累遷左衛將軍
尋詔假義之節救荆山堰未至康絢等已被魏軍魏又攻硤石義之救之不及
爲有司所奏不問十五年授北徐州刺史義之不知書所識不過十字性寬厚
爲將能得人死力及居藩任吏人安之改封營道縣侯徵爲護軍將軍卒於官
諡曰烈子寶景嗣

滄于量字思明建康人父文成仕梁位至梁州刺史量少有幹略偉姿便弓
馬湘東王刺荊州文成分量人馬令往事焉以軍功封廣晉縣男侯景之亂王
遣五軍入援量預其一臺城陷量還江陵王承制拜巴州刺史景兵來攻量與
都督王僧辯并力拒破之禽任約進攻郢獲宋子仙仍隨僧辯平景討封沐縣
侯尋出爲都督桂陽刺史及魏克江陵量保桂州陳受禪進鎮西大將軍開府
儀同三司天嘉五年徵爲中撫軍大將軍天康元年至都以淹留被劾免儀同
餘如故華皎構逆拜征南大將軍西討大都督與吳明徹總率大艦自郢州樊
浦伐之皎平竝降周將元定等以功除侍中中軍大將軍開府儀同三司進醴
陵縣公未拜出爲南徐州刺史太建元年進號征北大將軍給扶坐事免侍中
尋復五年朝議遣吳明徹北征公卿互有異同量贊成其事又遣第六子岑率
所領從軍淮南克定量改封始安郡公及周獲吳明徹乃以量爲都督水陸諸
軍車騎將軍都督南兖州刺史四年卒贈司空

道傳二

十

吳明徹字通炤秦郡人秦郡當今六合父樹梁右軍將軍明徹少孤性至孝年十四感
墳塋未修家貧無以取給乃勤力耕種會亢旱苗枯明徹仰天哀訴數日復茂
秋成大穫足供葬用起家東宮直後率及侯景寇都明徹有粟麥三千餘斛而
鄰里饑餒因白諸兄曰今人不圖久奈何蘊利招禍於是計口分給同其豐儉
賴以存者甚眾陳霸先鎮京口深相要結明徹亦微涉書傳就周弘正學天文
孤虛遁甲頗以英雄自許俄拜戎昭將軍陳受禪授散騎常侍兖州刺史安南
將軍與侯安都等將兵討王琳眾軍敗沒明徹自拔還都文帝卽位加右衛將
軍周迪反拜江州刺史領豫章太守總軍討之以統內不和徵還遷吳興太守
帝謂曰吳興雖郡以帝鄉之重故相授耳廢帝初立拜領軍將軍遷丹楊尹詔

以甲仗四十人出入殿省尋授都督湘州刺史以平華皎功授開府儀同三司進爵爲公太建五年北征詔加侍中都督征討諸軍事總兵十餘萬發都緣江城鎮望風納款軍至秦郡齊大將尉破胡來援擊走之秦郡降宣帝以秦郡明徵舊邑詔具太牢拜祠上冢文武羽儀甚盛鄉里榮之進克仁州拜征北大將軍封南平郡公遂逼壽陽齊遣王琳拒守明徵乘夜攻之中宵而潰齊兵退據相國城及金城明徵益修攻具遏肥水以灌城城中苦溼多腹疾手足皆腫死者十六七齊將皮景和率援軍來去壽春三十里諸將問計明徵曰兵貴在速彼結營不進自挫其鋒吾知其不敢戰矣於是躬擐甲胄四面疾攻城中震恐一鼓而克擒王琳送建康景和遁走詔以爲車騎大將軍豫州刺史增封并前二千五百戶遣謁者蕭洸就壽陽授策明徵於城南設壇士卒二十萬陳旗鼓甲登壇拜受成禮而退六年入朝帝幸其第賜鐘磬一部七年進攻彭城至呂梁大破齊軍遂進司空給大都督鉞龍麾尋授都督南兗州刺史及周滅齊宣帝將事徐詔明徵北侵令其世子慧覺攝行州事軍至呂梁周徐州總管梁士彥拒戰明徵頻破之仍進清水以灌其城攻之甚急環列舟艦於城下周遣上大將軍王軌救之軌輕行自清水入灌口橫流豎木以鐵鎖貫車輪邊斷船路諸將聞之甚恐議欲破堰拔軍以舫載馬裴子烈曰君若決堰下船船必傾倒豈可得出不如前遣馬行會明徵苦背疾甚篤知事不濟遂從之乃遣蕭摩訶帥馬軍前還明徵仍自決其堰乘水力以退軍及至清口水力微舟艦並不得度眾軍皆潰明徵遂被執周封懷德郡公位大將軍以憂卒於長安後故吏盜其柩歸至德元年追封邵陵侯以其子慧覺嗣歷黃門侍郎以平章大寶功授豐州刺史兄子超字逸世少倜儻以幹略知名隨明徵征伐有功官至忠毅將軍散騎常侍桂州刺史封汝南縣侯卒贈廣州刺史諡曰節

論曰義之與量奮迹置場身名俱泰而明徵器量謀勇尤邁等倫晚節不終沒爲囚虜亦運數使之然也然則爲將者豈不貴得時哉

金陵通傳卷四目錄

第十四冊

諸葛穎 耿詢

第十五冊

庾抱

許叔牙子子儒 宗人 劉允濟 高子貢 孫處玄徐延壽 樊晁 沈如

周惟長 許恩 劉大真宗人 徐虛 兄太沖 張籍陳羽 項斯 李

照 章楚老族子 陳融

第十六冊

劉三復僧守亮

第十七冊

周宗 邊鎬 王建封 陸昭符

第十八冊

戴偃 盧郢叩崇祭

通傳四目錄

金陵通傳卷四

江甯陳作霖伯雨集述

諸葛耿傳第十四

諸葛穎字漢建康人祖銓梁零陵太守父規義陽太守穎八歲能文起家梁邵陵王參軍轉記室侯景之亂奔齊歷學士太子舍人周平齊不得調杜門者十餘年習周易圖緯蒼雅莊老頗得其要清辯有俊才入隋晉王廣引爲參軍轉記室及王爲太子除藥藏監大業初遷著作郎甚見親幸出入臥內帝每賜之曲宴輒與后嬪連席後錄恩舊授朝散大夫賜詩以寵之從征吐谷渾加正議大夫扈駕北巡卒於道撰有北伐記七卷巡撫揚州記七卷鸞駕北巡記三卷幸江都道里記一卷洛陽古今記一卷相馬經六十卷馬名錄二卷桂苑珠叢并略要百二十卷種植法七十七卷淮南王食經并音目百五十三卷玄門寶海百二十卷子嘉會

通傳四

耿詢字敦信丹楊人陳後主時以客從東衡州刺史王勇於嶺南勇卒未歸會羣僮叛推詢爲主隋柱國王世積討禽之罪當誅以有巧思釋爲奴高智寶直太史詢從受天文算術創意造渾天儀不假人力以水轉之施於暗室中與天時動合世積知而奏之文帝配詢爲官奴給太史局復隨蜀王秀往益州秀廢幾坐戮何稠言詢巧思若神帝特原其罪詢作馬上刻漏世皆稱之煬帝卽位進鼓器乃免奴尋除右尙方署監事大業七年車駕東征詢上言曰遼東不可討師必無功帝大怒命左右斬之何稠苦諫得免及平壤之敗帝以詢言爲中擢守太史丞宇文化及弑逆之後從至黎陽謂其妻曰近觀人事遠察天文宇文必敗李氏當王吾知所歸矣謀欲去之爲化及所殺著有烏情占一卷論曰諸葛穎文辭富贍著作如林處忌才之時不隨王冑辭道衡同夷幸矣耿詢巧思若神而能諫東征識天命卒殞身於亂賊其技進於道者歟

庾許劉高孫劉張項李韋傳第十五

庾抱江甯人其先自潁川徙家焉祖眾陳御史中丞父超南平王記室抱工屬文隋開皇中爲延州參軍事後累歲調吏部尙書牛弘知其學術給筆札令自

敘援翰便就弘甚奇之補元德太子學士禮賜極優會生皇孫太子寔賓客抱於座中獻嫡皇孫頌深被嗟賞尋爲越嚮主簿稱病不行唐高祖兵起太子建威引爲龐西公府記室時軍國多務公府文檄皆出其手轉太子舍人未幾卒有集十卷

許叔牙句容人少精毛詩禮記尤善諷詠唐貞觀初除晉王文學兼侍讀遷太常博士尋加朝散大夫轉太子洗馬兼崇賢館學士嘗撰毛詩纂義十卷進皇太子太子賜帛百段令寫本付司經局御史大夫高智周謂人曰凡欲言詩者必須先讀此書未幾卒子子儒亦以學藻稱長壽中仕至天官侍郎弘文館學士其所注史記竟未就而終宗人知名者有淹嵩登淹少爲僧後還俗博物洽聞尤精訓故撰有文選音十卷嵩撰有建康實錄及六朝宮苑記登撰上元縣銅井鄉福興寺碑時爲尙書金部郎中兼侍御史蓋在大厯五年也

劉允濟一作元濟江甯人祖獻居青龍山藤蘿澗因家焉允濟以進士除著作佐郎嘗撫魯哀公以後至戰國事爲魯後春秋表上之遷佐使兼直弘文館拜著作

通傳四

郎擢鳳閣舍人以事坐免復爲修文館學士卒官

高子貢歷陽人歷陽鎔今江浦弱冠游太學徧涉六經尤精史記與邢文偉朱敬則爲

莫逆交明經舉歷祕書正字弘文館直學士棄官歸會徐敬業起揚州兵將逼

和子貢率鄉里數百人拒御之以功授朝散大夫遷成均助教東莞公融嘗從

子貢受業及爲申州刺史將圖匡復推爲謀主諸王內外相應實出其策事發

被害

孫處玄一作處立江甯人唐長安中官左拾遺頗善屬文嘗恨天下無書以廣新聞

神龍初與功臣桓彥範等書論時事不合歸里開元中李潛刺潤州特加禮異

令子麟與之結交累表薦之稱疾不起未幾卒著有潤州圖經時江甯句容諸縣隸潤州與

山謙之劉損之舊記並傳又撰漢荆王劉賈碑世多稱之殷璠韋其詩與徐延

壽沈歆筠樊晃殷遙所作命曰丹陽集徐延壽江甯處士沈如筠樊晃皆句容

人如筠官橫陽主簿晃官硤石主簿晃族人珣有文名大厯十三年縣令王昕

修赤山湖珣爲之記殷遙亦句容人天寶中官忠王府倉曹參軍與王維結交

同慕禪寂最工詩杜甫嘗稱許之家貧死不克葬一女年十歲日哀號親友憐之厚爲賻贈埋骨石樓山中時與杜甫友善者有江甯許恩擢第後歸省岑參以詩送之後官右拾遺甫詩所謂許八拾遺也又周惟長王炎皆江甯處士與李白善惟長居橫山白嘗過其宅炎家有水亭白以詩題之及卒白哭以詩云哭向茅山猶未摧一生淚盡丹陽道其交情可想矣白更有楊利物畫贊利物亦江甯人

劉太真溧水人

時溧水屬宣州唐書云宣州人

先是宗人有脊虛者爲夏縣令最工詩與賀

知章包融張旭齊名號吳中四士李商隱所謂中山劉昶虛也

中山在溧水境

唐天寶癸巳年登進士第太真涉學善屬文少師事蕭穎士詩篇每出人皆諷

詠穎士曰吾嘗謂門弟子有尹徽之學劉太真之父首其選焉天寶末亦舉進士大庾中拜起居郎歷中書舍人轉工刑二部侍郎俄遷禮部掌選舉事貞元四年重九賜宴曲江亭德宗製詩序賜羣臣各一本命簡文辭之士應制同用清字明日於延清門進之於是羣臣畢和以太真及李紆爲上等後貶信州刺

通傳四

三

史卒官有集三十卷葬縣北柘塘裴度爲撰神道碑其弟子韋乾度王良士鄭羣琢石刻之土人奉以爲柘塘之神時大庾十才子中有冷朝陽上元人登己酉年進士第歸省韓翃以詩送之有落日澄江烏榜外秋風疏柳白門前之句爲世所傳誦仕終僻嵩從事朝陽兄朝光亦能詩後貞元中江甯孫革登第東歸復得翃詩餞別焉

張籍字文昌烏江人

烏江當今江浦

唐貞元己卯年進士能爲古體詩尤工樂府調補

太常寺太祝歷國子助教祕書郎國子博士擢水部員外郎轉郎中仕終國子司業裴度令狐楚白居易元稹皆與之游而韓愈尤重之籍性狷直嘗責愈喜博塞及爲駁雜之說論議好勝人其排佛老不能若孟子揚雄著書以垂世愈亦不忌之也卒後有集七卷與愈同登貞元壬申進士第者有江東陳羽亦負盛名人目是科爲龍虎榜累官東宮衛佐籍弟蕭遠元和時進士亦能詩

籍有讀書

臺在江上自五代至宋後嗣世守之

項斯字子遷江甯人性情疏曠初築草廬於朝陽峯前交結靜者盤桓林壑三

十餘年開成之際詩價籍甚特爲張籍所知有生平不解藏人善到處逢人說
項斯之句至會昌四年始登進士第官丹徒尉非其好也有詩集一卷

李照字明叔江甯人好古博雅嘗遊秦渭之間宦情極淡而多蓄彝器凡自戰
國及於蕭梁之閒譜所載者十得五六而皆精製奇巧後世莫逮河東柳宗元
亟稱之

韋楚老字壽朋江甯人登長慶甲辰進士第官中書舍人左拾遺國子祭酒辭
職東歸金陵常乘驢經市中貌陋而衣布袍羣兒隨之指畫自言曰上不屬天
下不屬地中不累人可謂大楚老羣兒皆笑與杜牧同年生情好相得及卒牧
哭之以詩有集行於世族子邕官少府嘗歸鍾山李嘉祐以詩送之又陳融六
合人好學不仕卒諡貞晦先生呂溫爲作記表其行

論曰庾抱詞章許劉經史初唐之弁冕也而高子貢尙之以節義學愈正矣太
眞張籍並峙中葉其韓白之亞乎項李韋陳有隱趣焉要皆不離乎詩文者近
是候蟲時鳥各以類鳴采唐風者或有取於斯云

道傳四

四

劉三復傳第十六

劉三復句容人聰敏善屬文少孤貧母有廢疾供養不離左右久之不遂鄉賦
唐長慶中李德裕觀察浙西愛重經學有瓦官寺僧守亮上元人通周易邀與
言論不覺前席因命設講舍從事以下皆橫經聽之三復於時以所業文干謁
德裕倒屣而迎乃辟爲從事管記室母亡哀毀殆不勝喪德裕三鎮江東凡十
年三復皆從之嘗代德裕草表云山名北顧長懷戀關之心地接東溟卻羨朝
宗之路德裕大賞之太和中德裕輔政用爲員外郎復隨德裕出鎮累遷御史
中丞會昌中德裕用事自諫議給事拜刑部侍郎弘文館學士判館事澤潞旣
平朝議以劉稹母裴是裴問之妹欲原之三復奏曰劉從諫苞藏逆謀比雖已
露今推窮僕妾尤得事情據其圖謀語言制度服物人臣僭亂一至於斯雖生
前幸免顯誅而死後已從追戮凡在朝野同深慶快且自古人臣叛逆合有三
族之誅尙書曰乃有顛越不恭我則剿殄滅之無遺育無俾易種於茲新邑如
此則阿裴已不得免極法矣又況從諫死後主張狂謀罪狀非一劉稹年旣幼

小逆節未深裴爲母氏固宜誠誘若廣說忠孝之道深陳禍福之源必冀虺毒不施梟首全革而乃激厲凶黨膠固叛心廣招將校之妻適有酒食之宴號哭激其眾意贈遺結其羣情遂使叛黨稽不舍之誅孽童延必死之命以至周歲方就誅夷此阿裴之罪也雖以裴問之功或希減等而國家有法難望從輕伏以管叔周公之親弟也有罪而且誅之以周公之賢尙不舍兄弟之罪況裴問之功效安能破朝廷法邪據阿裴廢臣妾之道懷逆亂之謀裴問如周公之功尙合行周公之戮況於朝典固在不疑阿裴請準法從之尋卒於官有集十三卷先是協律郎蕭悅善畫竹年高多病有一女未適人他日病亟謂之曰吾聞長史劉從事非有通家之舊復無舉蕩之力爲賢侯幕府必有可觀者今知未婚吾雖未識當以書記汝三復覽書未決夜夢黃衣致藁一束於門德裕曰藁蕭也此固定矣遂成婚生子鄴

鄴字漢藩六七歲能詩李德裕尤憐之使與諸子同硯席師學大初中德裕歿逐鄴無所依以文章客游江浙每有制作人皆稱誦高元裕觀察陝虢署爲團

通傳四

五

練推官得祕書省校書郎咸通初劉瞻高球居要職以故人子薦爲左拾遺召充翰林學士轉尙書郎中知制誥正拜中書舍人戶部侍郎學士承旨鄴傷德裕以朋黨抱誣死海上令狐絢久當國更赦不爲還官爵懿宗卽位屬郊祀大赦鄴奏論之曰故崖州司戶參軍李德裕其父吉甫元和中以直道明誠高居相位中外咸理諄諫有功德裕以偉望宏才繼登台衮險夷不易勁正無羣稟周勃厚重之姿慕楊秉忠貞之節頃以微累竄於遐荒旣迫衰殘竟歸冥漠其子煜坐貶象州立山縣尉去年遇陛下布維新之命覃作解之恩移授郴州郴縣尉今已沒於貶所儻德裕猶有親援可期振揚微臣固不敢上論以招浮議今骨肉將盡生涯已空皆傷榮戟之門遽作荆榛之地孤骨未歸於塋兆一男又沒於湘江特乞聖明俯垂哀愍俾還遺骨兼賜贈官上宏錄舊之仁下激徇公之節詔從之世高其義尋以本官領諸道鹽鐵轉運使遂同平章事判度支轉中書侍郎兼吏部尙書累加太清宮使弘文館大學士僖宗時罷爲檢校尙書左僕射同平章事揚州大都督府長史淮南節度使是日鄴押班宣麻竟通

事引鄴內殿謝不及笏記鄴自敘有云霖雨無功深愧代天之用煙霄失路未知歸骨之期帝爲惻然旋除隴右節度使鳳翔尹以疾辭拜左僕射黃巢犯長安從駕不及匿於金吾將軍張直方家旬日賊追捕嚴切爲所得迫以僞命稱病不應遂被害撰有甘棠集三卷子巢亦死於賊僖宗還京惡鄴者以託附逆黨死不以義下三司詳臯刑部尙書張禕上章申理竟獲洗雪覃亦贈官論曰劉三復執法不回深得司直之體子鄴雖相業無聞而不受僞命卒以身殉亦烈丈夫哉夫李贊皇以愛士稱而爲身後鳴冤者漢藩以外竟無人焉蓋黨錮之說未除有志功名之士尤易爲所怵云

周邊王陸傳第十七

周宗字君太金陵人少孤貧楊吳時事徐知誥爲給使嫻於辭令時方艱難宗使四方輒稱職徐溫沒金陵長子知詢語宗曰僕射望高履危無西渡僕射謂知誥也宗堅請知詢手札示信遽得故茗紙書曰不必奔赴旣而徐氏諸子果以不奔喪讓知誥知誥因出帖示之知詢語塞及知誥鎮金陵宗爲都押牙時

通傳四

六

因宋齊邱議迎吳讓皇都金陵繕府治爲宮馬步都虞候蔡宏業爲宮城營奉使徙都統府於古臺城令都教練使孔昌祚營之府成知誥已徙居且迎讓皇矣宗諫曰若主上西巡則公當東駕勞費方始怨嗟日聞非計也知誥納之記以歲不利而止自是宗預密議齊邱漸忘之一日知誥臨鏡理白髭而歎宗悟其旨乃如廣陵謀禪讓事齊邱以議非己發爲危語動知誥請斬宗以謝國人乃黜宗爲池州副使俄召還密定大計知誥謂宗曰吾夜夢人引劍斷吾頭意甚惡之宗遽下堦拜賀曰當策立耳居數日而內禪宗臘進至內樞使同平章事遷侍中烈祖待宗至厚不以職務嬰之宗亦能純謹自守居家節儉俸賜積不用故齊邱黨卒不能害久之罷爲鎮南軍節度使徙甯國軍入覲賜宴元宗親爲褶襪頭角以表殊禮復出爲東都留守尋以司徒致仕卒年七十餘二女相繼爲後主后

邊鎬金陵人誕時父夢謝靈運來謁因小字康樂長事南唐烈祖爲通事舍人以通敏稱保大初循州賊張遇賢度嶺襲虔州不克據白雲洞眾十餘萬元宗

遣鎬監洪州都虞候嚴思軍討之虔有書生白昌裕沈密有謀鎬引與定計刊木開道執遇賢以歸擢洪州營屯諸軍都虞候二年查文徽以樞密副使攻建州鎬爲行營招討洪撫饒信歙等州諸指揮都虞候從行然眾才數千戰敗退舍會何敬洙等來援復俱進奪其險要自崇安次赤嶺與建兵相持爲背水陣文徽使騎繞出其後與鎬夾擊大破之遂取建州降王延政復取潭州事平諸將爭功鎬獨無一言七年楚馬氏兄弟相攻詔鎬爲信州刺史領屯營兵兼湖南安撫使駐袁州相機進取適馬希萼來求援鎬遂自萍鄉入潭州馬希崇率弟姪降鎬稱詔勞之希萼亦來見鎬遷其族於金陵時湖南饑饉鎬開倉振之楚人大悅先是元宗將取湖南使鎬詐爲僧遊長沙弄鉞行乞盡得其虛實至是用爲將竟平楚進武安軍節度使俄奉節校孫朗作亂率所部焚府門鎬出牙兵與鬪朗不勝奔朗州導劉言來攻長沙鎬敗歸坐流饒州湘中謠言馬去不用鞭至是而驗鎬初平建州兵所土獲唯以全活爲務閩人謂之邊羅漢及克湘潭市不改肆人稱邊佛子又稱邊菩薩嗣是政出多門紀綱頽廢人遂

通傳四

七

號爲邊和尚十四年周師逼壽州起鎬爲大將從齊王景達救之會朱元叛諸軍皆潰鎬被執周世宗命爲右千牛衛上將軍旣和乃放歸卒於金陵

王建封上元人少從軍以任俠名南唐保大中征閩爲先鋒橋道使焚建州外郭克之拜信州刺史會陳覺等攻福州久不克請濟師建封率五千人以往破版寨入東武門爲李弘義所乘復敗歸尋召爲天威軍都虞候領親軍建封上書歷詆魏岑等請更用正人元宗怒謂建封握兵敢干國政漸不可長流池州未至殺之

陸昭符初名匡符金陵人南唐保大中官常州刺史州當吳越之衝屢交兵城邑荒殘昭符爲政寬簡招納遺亡未幾富實一日坐聽事雷雨暴至電光遶案吏卒皆震仆昭符叱之遂止及舉案幃得鐵索重數百斤昭符亦不變色徐命舉索藏庫中交泰元年元宗臣周置郾大梁命昭符爲進奏使及宋受禪南唐後主御門降赦猶用天子禮太祖聞之怒召詰昭符色甚厲昭符徐以鄙語對太祖笑而不問是時潘慎修爲入貢使而昭符亦常往來金陵因帑藏空竭物

數難辦昭符市於富民石守信家得絹十萬匹後主大悅宋太祖旣遣李穆徵後主入朝因問昭符曰汝度若主來否對曰君命召不俟駕安有不來旣而後主稱疾宋師致討昭符又言於太祖曰臣主必死社稷未幾後主降罷置邸不得調卒

論曰周宗推戴烈祖光啟中興而能純謹自守誠善處功名之際矣邊鎬建封戰功卓著然皆不保其終黷武佳兵出位言事皆足以招尤也昭符銜命周旋二主之間雖未能樽俎折衝亦異於震懾天威應對失次者爾

戴盧傳第十八

戴偃金陵人唐末羅亂遊湖湘值馬氏建國號楚希範以公子得位尤好奢侈偃非之自稱玄黃子著漁父詩百篇以獻有才把咽喉吞世界蓋因奢侈致危亡及若須拋卻便拋卻莫待風高更深之句語涉譏諷希範覽之怒一旦謂賓佐曰戴偃何如人賓佐不測或曰偃詩人章句爲流輩所推許方今貧悴置之髣參短簿之間足矣希範曰數日前獻吾詩大抵務爲漁釣自娛者宜賜碧

通傳四

八

湘湖以遂其性亦優賢之道也卽日使遷居湖上乃潛戒公私不得與之往還自是偃窮餓至無以爲計謂其妻曰與汝結髮已生一男一女今恐首領不保宜分兒遁去不然旦夕死矣於是舉骰子與妻約曰彩多得男彩少得女旣擲偃彩少乃攜女相與慟哭而別將奔嶺南至永州會希範卒乃止後不知所終盧郡金陵人能文章有勇力好吹鐵笛南唐末後主命韓德霸爲都城烽火使警察非常怙權暴橫國人望其前驅莫不奔辟郢遇之調笛自若德霸叱左右捕執郢奮臂擊十餘人皆顛躓直前摔德霸墜馬歐之敗面傷目德霸憤入訴後主叱之出願近侍笑曰戎帥遇一措大不能自全面目尙敢訴耶遂罷其職郢旋以王度如金玉賦擢進士第一徐鉉爲郢妹婿常受敕撰文累日不就郢曰當爲君抒思適庭下有石十夫不能舉郢戲弄之頃復索酒頓飲數升再弄如初忽顧筆吏口占使書不易一字鉉服其工遂以進御後主謂鉉曰語勢遒峻似非卿作鉉以實對郢由是知名國亡入宋知全州卒同時卽崇粲亦金陵人以南有嘉魚賦登進士第崇粲兄崇禮亦進士弟崇簡明經及第爲舒州司

法參軍

論曰戴偃以詩託諷深得執藝以諫之道惜所遇非人適以自困其身而已盧
郢才氣豪邁抗驕帥而不加罪南唐後主之愛士較諸馬氏豈止以道里計哉

金陵通傳卷四

通傳四

弟作儀參訂姪詒慶校字

九

金陵通傳卷五目錄

第十九冊

刁衍父彥能 子湛混 渭秦義 洪湛 查道從兄陶 孫繼鄴祖謙
澹子釋 約族子雍

第二十冊

陳承昭 秦傳序子爽 盧鑑 呂士元

第二十一冊

李化清 周啟明 趙定 侯遣 幸思順

第二十二冊

朱文濟 胡恢高陟 仇博張庖民 欠陳輔 楊驥王拙 徐彥伯
崔子方 吳可榮天和 王莊呂南公 王松成德餘 李士雲
白璞陳角梳 明不虧 段縫 杜嶮

第二十三冊

邵必從子亢 李琮子同 晁同孫林 桓 張頴 俞臬

通傳五目錄

第二十四冊

高崇志 秦憲 錢散子時敏

第二十五冊

秦濟子梓 孫煇 玄孫鉅
李伸之 鉅同族綱

第二十六冊

劉紹子規 五世孫應炎 王棣從子厚之 朱慮
應昂族孫雲起

刁秦洪香孫傳第十九

刁衍字元賓上元人父彥能字德明仕南唐始自宣州徙金陵烈祖時秦淮水溢東關尤被害彥能築堤爲斗門以疏導之元宗時官至撫州節度使卒葬牛首山衍用蔭爲祕書郎集賢校理衣五品服以文翰入直清輝殿閣中外章奏後從後主歸宋宋太祖賜緋魚授太常寺太祝稱疾假滿屏居輦下者數歲太平興國初李昉扈蒙同在翰林勉其出仕因獻聖德頌詔復本官出知廬陵縣會求直言衍上書謂淫刑酷法非律文所載者望詔天下悉禁止之巡檢使臣捕得盜賊亡卒並送本部法官訊鞫無得擅加酷虐古有投姦凶於四裔今遠方囚人盡歸京闕以配服役最非所宜且神皋勝地天子所居豈使流囚於此聚役自今外處罪人望勿許解送上京亦不留於諸務配役又禮曰刑人于市與眾棄之則知黃屋紫宸之中非用法行刑之處望自今御前不行決法之刑

通傳五

一

殿前引見司鉗跡法具並赴御史臺廷尉之獄敕杖不以大小皆引赴御史廷尉京府或出中使或命法司具禮監科以重聖皇明刑慎法之意或有犯劫盜亡命梟重者別足釘身國門布令此乃小民昧於刑憲逼於衣食偶然爲惡義不及他被其慘毒實傷風化亦望減除其法如此則人情不駭各固其生和氣無傷必臻上理再遷大理寺丞獻文四十篇召試授殿中丞通判湖州疏請定天下酒稅額修郡縣城隍條約守宰除兩浙丁身錢禁汴水流尸凡五事俄知婺州遷國子博士知光州就改虞部員外郎轉運使上其政績優詔嘉獎徙知廬州眞宗卽位轉比部員外郎上疏曰臣聞天下大器也羣臣眾畜也治大器者執一以正其度保眾畜者齊化以臻其原故至人謂莫神於天莫高於地莫大於帝王又曰帝王乘地而總萬物以用人也則知萬乘之尊一人之位等天地之覆燾若日月之照臨可不慎思慮以安民繫舒慘而被物所以堯舜篤善道以垂化而民謂之所天桀紂懷凶德以害世而民謂之獨夫則君之於民善惡有如是之驗民之於君毀譽有如是之異陛下纂圖茲始布政惟新所宜上

順天心下從人欲進善以去惡避毀而求譽遵唐虞之治斥辛癸之亂私賞無及於小人私罰無施於君子任賢勿貳去邪勿疑開諫諍之門塞讒佞之口愛而知其惡憎而知其善無以春秋鼎盛而耽於逸游無以血氣方剛而惑於聲色若太祖之勤儉若太宗之惠慈答天地敷錫之意保祖宗艱難之業則周成漢文之美不可同年而擬議也代還獻本說十卷以本官充集賢校理出知潁州入爲比部員外郎改直祕閣充崇文院檢討解職判三司開拆司豫修冊府元龜加主客郎中乞外得知湖州轉刑部郎中復豫編修大中祥符六年書成授兵部郎中入朝暴中風眩真宗遣使馳送金丹已不救卒年六十九衍始仕江南權勢甚盛家富於財衣食侈靡歸宋以淡雅知名不競祿位善談笑工琴棋交道敦篤士大夫推重之撰有治道中術三卷野編二十卷子湛性孝友舉咸平庚子進士第授大理評事知宣城縣遷大理丞監興國軍茶場兼大冶縣事擢殿中丞知潮州真宗東封遷太常博士祀汾陰擢屯田員外郎丁艱服除通判越州攝州事徙知廬壽二州召除京湖北路提點刑獄仁宗卽位轉祠部

通傳五

二

郎中以疾丐閒徙黃州再請西京分司遂歸老旋卒湛弟湜渭皆舉進士湜官屯田員外郎渭官太常博士湛子繹亦以進士仕至簽書淮南節度判官通判揚州繹子壽嘉祐丁酉進士繹弟約字景純舉天聖庚午進士第爲諸王宮教授景祐中祖宗配南郊宗室乞推恩約爲草表報允諸宗子以千緡謝不受竇元中入館閣校勘慶厯初知太常禮院集賢校理出判海州皇祐中權吏部南曹轉開封府推官坐事落職嘉祐初召判度支院假太常少卿直史館使北還復判度支四年出爲兩浙運使還判三司鹽鐵院俄提點梓州路刑獄八年再判鹽鐵院還戶部治平中出知揚州移宣州熙甯初判太常講讀官告歸築藏春塢花木甚繁蘇軾王安石諸名流皆與遊觴詠之盛甲於東南焉族子雍字文叔工詩嘗云詩在言外意與物遇則詩已形於吾前矣紹興中知鹽官縣重建學宮有儒吏風雍子堽駿俱從橫浦張九成學堽字子稱官黃巖縣丞秦義字致堯江甯人世仕南唐曾祖本岳州刺史祖進遠甯國軍節度副使父承裕建州監軍使知州事後主歸朝承裕使義詣闕上符印宋太祖召見應對

稱旨補殿直令督廣濟漕船太平興國中有南唐軍校馬光瓚等亡命荆楚爲盜義受詔縛以獻太宗壯之積勞改西頭供奉官決獄淮南澶化中督洛南采銅尋監與國軍茶場會楊允恭改茶鹽法薦義掌真州樞務俄提點淮南西路茶鹽得羨餘千餘萬遂與允恭同爲江淮制置擢授閤門祇候兼制置礬稅二歲增權鹽錢八十二萬餘貫咸平初入奏真宗面加慰勞尋改內殿崇班兼制置荆湖路江南羣盜爲民患義討捕皆盡四年領發運使事改供備庫副使景德初遷正使知江甯府坐事罷大中祥符初起爲供備庫副使宿州監軍稍遷東染院副使廣州澄海兵頗桀驁上思得材幹之臣治之宰相歷舉數人皆不稱旨上曰秦義可當此任復授供備庫使充廣州鈐轄歷東染院使知蘇州改崇儀使提舉在京諸司庫務因對求典郡遷內園使知泉州天禧四年代還道卒年六十四義知書能詩喜賓客歷財貨之任十餘年皆稱職

洪湛字惟清江甯人曾祖勳南唐時官崇文館直學士祖壽桐城今父慶元喜讀書善文章獻書後主授奉禮郎補新喻令國亡歸宋除冤句令湛五歲能詩

通傳五

三

未冠錄所著十卷爲髫年集太平興國八年舉進士雍熙二年廷試已落有詔再試賦淡交如水詩湛以文章道麗特升第三人及第解褐歸德軍節度推官擢左拾遺直史館端拱初通判許壽一州還朝以請立許王元僖爲太子忤旨削職出知容州有成卒謀亂偵知亟斬之再遷比部員外郎知柳舒一州咸平二年召試皇帝孝德頌復直史館是秋出使荆湖按視民事條奏利弊甚眾還判三司都磨勘司修起居注時議修綏州邊臣互言利害遣湛往視湛言城之利有七而害有二遂詔營葺終以勞人罷之湛美風儀俊辨有才幹凡五使西北議邊要真宗顧遇甚厚曲宴苑中賦詩不移晷而獻深被褒賞先是湛與王欽若同知貢舉欽若受進士任懿賂事覺帝方寵任欽若懿因誣湛使陝西未還而獄具坐流儋州會赦移惠州至化州調馬驛卒年四十一特詔賜錢二萬官爲護喪還著有集十五卷子鼎字仲養舉大中祥符辛亥進士官至度支員外郎直史館鹽鐵判官鼎孫某宣和甲辰進士官至祕書監

查道字湛然江甯人祖文徽仕南唐始自休甯遷金陵據吳曾能改齊漫錄及至正志定爲江甯人宋

史仍著休甯從兄陶初事江南主入宋官至祕書少監知審刑院與道最友愛從本貫也江南亂後士族流離陶兄弟盡力周恤之道幼沈毅事母孝方冬苦寒母病思鱖羹泣禱於河鑿冰得鱖尺許以饋母亟刺臂血寫佛經母尋愈端拱元年舉進士初除館陶尉性廉介與妻采野蔬雜米爲粥以療饑稅過期不辦州召縣吏悉枷之既出門他吏皆脫去道獨荷以督租富民具酒食相待道不食杖之於是餘民皆驚遁稅立辦曹彬辟爲從事尋改與元觀察判官寇準薦除著作佐郎淳化中蜀寇叛命通判遂州擢知果州時餘盜何彥忠等集眾不散咸欲發兵殄之道曰彼懼罪欲延數刻命耳其黨豈無誑誤耶單騎詣賊所諭之或識之曰是郡守也甯害我者乃相率羅拜請罪悉給券歸農咸平四年遷秘書丞代歸出知甯州應賢良方正科歷左正言直史館西京運副工部員外郎旋領度支與鹽鐵副使下袞同候對將升殿袞遽出奏牘邀道同署及帝詢問則事本度支道素未省視錯愕不能對遂罷職知襄州道卒不自辨亦無愠色祥符元年歸直史館遷刑兵二部員外郎預修冊府元龜歷龍圖閣待制刑部右

通傳五

四

司郎中判吏部選事糾察在京刑獄使契丹還以耳疾表求外任知虢州帝御龍圖閣飲饑之會虢州蝗災道既至不俟報出官米設糜粥以振饑麥四千斛給農民種所活萬餘人嘗出按部從者摘路側佳棗以獻道令計直挂錢於木而去其不欺如此未幾卒官子循之官至大理評事有集二十卷

孫繼鄴字元嗣昇州人祖諫事南唐爲長劍都指揮使南伐閩援兵不至戰死父承睿時爲小校憤將兵者不如期致其父沒刺殺之亡命淮楚間及宋平江南乃入京師以策干太宗除左班殿直終左藏庫使繼鄴初以三班奉職監浴陽酒稅會宜州陳進反曹利用辟以自隨爲前驅破賊於象州大烏嶺以功遷左侍禁端州兵馬監押徙秦州永甯若總徒城洛門改西頭供奉官用薦爲閩門祇候上禦戎策十數事曹瑋乞爲副延路兵馬都監徙知環州累遷崇儀副使會修築洪德砦與總兵者不協黜爲翼州兵馬都監移知保安軍徙涇州使契丹樞密使曹利用欲用之繼鄴惡其權盛數以疾辭遂除左龍武軍統軍致仕利用貶復爲崇儀副使遷供備庫使歷知石保恩雄四州累遷西上閣門使

龍神衛四廂都指揮使端州防禦使出爲環慶副都總管道改涇原路兼知渭州上言蕭關故道前控大川善水草賊騎所從出也誠得屬羌與奉賜且羈其酋領使爲藩籬則可無西顧憂矣尋爲步軍都虞候徙眞定路卒官

論曰刁秦洪查孫五姓皆南唐舊族子孫不失其業者也元賓直言致堯心計惟清富於文辭湛然篤於風誼元嗣奮於武烈雖其成就不同要皆足模範一世若夫景純晚節鶻詠流連猶有烏衣之風韻則其遺澤長矣

陳秦盧呂傳第二十

陳承昭昇州人初事南唐爲保義軍節度使宋太祖從周世宗征淮南親擒之授右監門衛上將軍俄改右領軍分司西京宋初入朝時惠民五丈一河多壅不利轉運承昭奉命督治都人利之後復重修畿內河隄鑿池於朱明門外以習水戰從征太原城久不下承昭請壅汾水以灌之會班師功不克就歷官至右龍武統軍卒贈太子太師錄孫宗義爲三班借職

秦傳序江甯人宋淳化五年充夔峽巡檢使監軍開州蜀盜李順餘黨張餘嘯

通傳五

五

聚萬人奄至城下傳序督士卒晝夜拒戰嬰城既久危蹙日甚長吏皆奔竄投賊傳序謂士卒曰吾爲監軍盡死節以守城吾之職也安可苟免乎城中乏食傳序出囊橐服玩盡市酒肉以犒士卒慰勉之眾皆感泣力戰傳序度力不能拒乃爲蠟書遣人間道上言臣盡死力誓不降賊城壞赴火死之子顛溯峽求父尸溺死江中人以爲父死於忠子死於孝奏至太宗嗟惻久之錄傳序次子胸爲殿直以錢十萬賜其家煦卒復以煦弟昉爲三班奉職

盧鑑字正臣昇州人宋初累舉進士不第授三班奉職監坊州酒稅以右班殿直爲鄜延路走馬承受公事李繼遷寇邊與總管王榮敗走之又與張崇貴擊賊焚其積聚斬級而還擢開門祇候爲本路兵馬都監復出蕩族帳獲牛馬萬計徙鳳翔秦隴階成等州提點盜賊公事尋爲都巡檢使徙利州都監初李繼遷聲言石隕帳前有文曰天誠爾勿爲中國患鑑時爲承受入奏事眞宗問之鑑曰此詐爲之以欺朝廷耳宜益爲備至是繼遷陷靈武帝思鑑言擢右侍禁知儀州州有制勝關最險要繼遷欲乘虛襲之聲言將由此入謀者以告詔徙

老幼芻粟於內地鑑曰此姦謀也移民示虜弱且搖眾心臣不敢奉詔卒不徙賊亦不至再遷西頭供奉官知利州會歲饑以便宜發倉米振民秩滿民請留詔留一年提點河東路刑獄歷知保州廣信軍原州就爲環慶路都監兼知慶州徙環州平磨媚族於合道鎮坐事徙知丹州累遷西京左藏庫使恩州刺史爲環慶路鈐轄兼知環州改西上閣門使知秦州卒官

呂士元字佐堯江甯人祖裕贈兵部尙書父文膺官至左贊善大夫從父文仲官至刑部侍郎集賢院學士爲宋名臣士元以咸平二年舉明經爲醴陵尉禮陵民多鬪訟往往因事官吏以法士元日與長官爭曲直下爲邑民伺候終無毫髮過失而民卒愛思之歷廬州司理參軍甯州彭原令徙廣州四會令四會近海俗雜蠻夷士元尤知其利弊事所經決後有欲改者民必爭曰此呂君所決豈可動耶後人亦卒莫能改也尋遷湖州司理泗州錄事參軍吉州太和秦州隴城縣令仕凡三十年衣食其族四十餘口雖薄而必均卒後歐陽修銘其墓子淵漆淙淇淵漆皆舉進士淵爲祕書丞著作郎直集賢院漆有賢名以文學選中第一官至太常博士

通傳五

六

李周趙侯幸傳第二十一

論曰陳承昭熟於水利盧鑑深得虜情皆經國才也秦氏父子忠孝無虧豈非節烈之士哉呂士元官卑近民民感其惠循良之稱無多讓已

李化清金陵人宋祖平江南化清避地暨陽潛諷詩書事親至孝常漁釣以供養父喪哀毀柴立造廬墓側妻孥至亦不之顧山故多虎獨不犯化清之廬制滿還家疏糲度日教授鄉里從者翕然縣佐司馬詹爲文以記之

周啟明字昭同昇州人宋太宗時以書謁翰林學士楊億億攜示同列大見嘆賞由是知名四舉進士皆第一景德中舉賢良方正科大中祥符初復舉直言極諫會東封泰山言者謂此科本因災異訪直言非太平事遂報罷於是歸教弟子百餘人不復有仕進意里人稱爲處士轉運使陳堯佐表其義行於朝賜粟帛仁宗卽位除試助教就加廩給久之遷祕書郎改太常丞卒啟明篤學藏書數千卷多手自傳寫而口能誦之有古律詩賦牋啟雜文千六百餘篇

趙定江甯人其母通詩書教授生徒數十人開發奧義咸出意表景德二年定舉進士第除海陵從事母誨之曰無飾虛以沽名無事佞以奉上處內在盡禮處外在活民定從其教爲政有名

侯遺字仲遺句容人隱居茅山荆書院以教授生徒常數百人天聖中江甯知府王隨奏請於茅山齋糧田內給二頃以充書院用從之石介賢惠錄中特載其事

幸思順江甯老儒也皇祐中貰酒江州異於常醜人無賢愚皆喜之時劫江賊方熾有官人艤船壩下與思順往來甚洽思順餉以酒十壺已而被劫斬黃間盜飲其酒驚曰此幸秀才酒耶官人解意給之曰僕固幸之親舊也盜相顧謂曰吾儕何爲劫幸老所親哉斂所劫還之戒其見幸勿言也思順年七十二猶日行二百里盛暑暴日中不渴蓋嘗啖梁肉而不飲水云眉州蘇試載其事於志林中

通傳五

論曰李化清敦篤自守周啟明博洽知名侯遺高節不屈皆教授生徒多所成就其表見者章矣趙定母蔚爲女師教子數言卓然儒者幸思順不言躬行化及異類殆有王邴之風歟

朱胡仇陳楊徐吳段杜傳第二十二

朱文濟江甯人宋初以琴待詔太宗嘗問曰古琴五絃文武增爲七絃欲令蔡裔增爲九絃可乎文濟不可裔希旨以爲增之善及新製琴成召文濟撫之辭以不能帝怒賜裔緋欲以激文濟文濟終守前說帝遣中使押赴中書令撫之文濟不得已取琴中七絃以弄眾問新曲何名文濟曰古琴風入松也帝嘉其有守亦賜緋

胡恢江甯人博物強記善篆隸坐法失參佐官困於京師上執政韓琦詩云建業江山千里遠長安風雪一家寒琦深憐之令篆太學石經得復官華州通判而卒著有南唐書十卷時有同縣高陟以好學孝弟聞於鄉里三舉不第司馬光以詩送其南歸云之子秣陵去悠悠天塹東陟後遂不復出

仇博字彥文六合人居新安鄉博學能文父著知梓州嘗建至樂堂博年十三

作記蘇軾見而奇之撫其背曰後生可畏累舉不第慨然泛舟沂采石謁太白祠與之對飲誅以文有曰不知我者謂我狂且逸知我者謂我與君同輩不同時其豪邁如此時金陵人與蘇軾往還者有張庖民張次山庖民字翹父元豐五年卒於曹溪軾挽以詩有云東晉巾車令西京執戟郎甘心向山水結髮事文章又云陳嶺銘旌暗秦淮舊宅荒次山字希元熙甯中官太子舍人簽書越州通判嘗建壽樂堂於官廨軾寄題以詩又呂南公字次儒世居金陵恥習王氏字說絕意科舉著有灌園集

陳輔字輔之自號南郭先生楊驥字德逢自號湖陰居士皆江甯人輔少從王安石游安石授以經旨輔曰天生相公輔亦讀書天生相公輔亦讀書願自見也安石卜居北山與驥爲鄰曲輔寓居丹陽每清明上冢事畢必過驥宅清談終日歲以爲常元豐辛酉癸亥訪之皆不遇題一絕於門云北山松粉未飄花白下風輕麥腳斜身似舊時王謝燕一年一度到君家驥歸見其詩吟賞久之安石聞之笑曰此正戲君爲尋常百姓耳驥亦大笑輔著有南郭集時安石

通傳五

八

交遊金陵人又有王拙成某李士雲拙字閑叟自號北山隱者安石贈以詩云舉世但知旌隱節誰人知道有王孫成某佚其名善醫安石薦之官天醫嘗手寫所藏得用方畀其子德餘德餘先從進士游場屋晚乃世其家築室曰善應軒士雲金陵善傳神者安石贈以詩云衰容一見便疑真李子揮毫妙入神欲去鍾山終不忍謝渠分我死前身

徐彥伯字長孺六合人性孝友父執中教以讀古書彥伯刻意爲詩劉凝之以女妻之甥舅唱和無間卒葬馬鞍山黃庭堅銘其墓時六合人爲庭堅所重者又有崔子方字彥直於舉世不習春秋之時獨上書乞復是科不報遂不應進士舉著有春秋經解十六卷本例例要一卷後仕至知滁州又白璞亦六合人著有朝野新聲中和正韻

吳可字思道土元人少從樂天和學詩天和有句云多謝喧喧雀時來破寂寥可不解其趣一日坐竹亭中有羣雀飛鳴而下頓悟前語自後看詩無不通者蘇軾劉安世皆激賞之可居都城面山開軒名曰橫翠與名流嘯吟其中後官

至團練使宣和末亟棄官去責授武節大夫致仕寓居新安野服蕭然如雲水中人先是可與孫覲論詩不合及卒覲遂誣其爲梁師成黨失其實矣可著有藏海居士集及詩話於金陵人物尤詳天和江甯人元祐間居清化市與王莊王松陳角梳等爲學館立詩社姑溪李之儀贈以詩云生涯已定不干時收拾工夫且作詩懶水方來弔東野同安初喜識邱遲兼將佛事通三昧又見風騷出一枝投老相逢能幾許何妨得句每相期莊字子温人稱酒肆王廿四郎有送客詩云楊花撩亂繞烟邨感觸離人更斷魂江上歸來無好思滿庭風雨易黃昏松字不湖人稱質庫王四十郎可在京師松嘗寄以長篇有云舊菊籬邊又開了故人天際未歸來角梳佚其名以其貨角梳人稱角梳陳二叔有石榴詩云金刀擘破紫穰瓢撒下丹砂數百粒時又有明不虧僧紹之裔亦工詩可皆采其所著人詩話中

段縫字約之上元人宋神宗時官至知興國軍嘗論免役法不便及吳充爲相頗進熙甯異議之人除知秦州諫官蔡確言其無才能止以詆毀新政故膺獎

通傳五

九

任詔與合入差遣乃使通判閬州縫避遠求分司遂以職方郎中致仕居青溪與王安石遊安石及蘇軾皆有贈詩所謂昔時江令宅今日段侯家者也元祐二年左司諫王覲薦之詔落致仕與勾管宮觀未幾卒

杜釜字藏用江甯人天性夙成師事張耒於黃州以詩文見稱當時舉政和五年進士授將仕郎歷官池州司儀曹事餘干縣丞在官廉退俸祿盡於孤遺建炎初有薦於時宰者曰居家孝友慈祥屬文簡遠蕭散蓋實錄也紹興元年卒年五十二

論曰朱胡官以菽進而文濟守正不阿得事君之義矣仇楊陳徐諸人賴子瞻介甫涪翁而顯儻所謂附驥尾以傳者耶約之與介甫遊而不從其意旨尤爲難耳思道行高履潔幾被醜詆讀朱氏開有益齋讀書志其冤始白後賢之功也藏用廉而好施其詩文亦蘇門之分派云

邵李張俞傳第二十三

邵必字不疑昇州人宋寶元元年舉進士第除上元主簿擢國子監直講篆石

經判監事宋祁進禮記石經本請必同上殿以備顧問無何帝問古文如何必對曰古文大篆於六體義訓不通今人淺學遂於一字之中偏旁上下雜用古文遂致乖亂帝又問林氏小說必曰亦有長義然亦有奇怪處如許氏說文歸字从堆从止从帚从堆爲聲林氏云从追於聲爲近此長於許矣若許氏哭从皿从獄省文林乃云象犬嗥此怪也尋選爲國史編修官必以史出厥手非古人撰述體辭不就進集賢校理同知太常禮院奏言周官小宗伯之職凡王之會同甸役禱祠肆儀爲位鄭氏注云若今時肆儀司徒府今習宮廟儀而啟室登殿拜則小搨奠則虛爵樂舉祝歌舞備行綴慢褻神靈莫斯爲甚宜移尙書省以比漢司徒府從之張貴妃受冊議命婦入賀多言妃爲修媛時命婦已不敢充禮況今日乎必奏宮省事祕不可知既下有司議惟有外一品南官上事百官班見之儀然禮無不答眾議乃定出知常州召爲開封推官坐事謫監邵武軍酒稅以趙卮言起知高郵軍提點淮南刑獄京西轉運使居官震厲風采始至郡惟一起宴集行部但一受酒食之餽以爲數聚會則人情狎多受餽則

通傳五

十

事難行非使者體也入修起居注知制誥會除郭達同簽書樞密院事必當制草詞以進言遠武力之士不可置廟堂不聽神宗初以陳汝義判三司都磨勘司必言陛下新立以言擢汝義乃漢文賞上林嗇夫恐臣下爭以利口求進乞罷之不從雄州種木道上契丹遣人夜伐去又數漁界河中事間命必往使以理折之契丹大服還知諫院編仁宗御集成遷寶文閣直學士權三司使加龍圖閣直學士知成都卒於道年六十四子納史字公言秀州通判納史子彪字希文以文學書畫知名舉宣和辛丑進士歷崑山主簿登州教授高宗時興平苗傅改奉議郎國子監丞尋辟江淮招討司幹官從平李成幹辦行在諸軍糧料院知泰州移楚州兼營田安撫使卒於家必從子亢

亢字興宗幼聰慧十歲誦五千言賦詩豪縱見者驚偉范仲淹舉亢茂才異等試已入等矣將除建康推官爲議者所沮亢亦不自言會趙元昊叛上言用兵在於擇將今天下久不知戰所任皆儒臣未能應變武臣又多年老間起故家恩倖安識攻守之計況將卒素不相附又亡堅甲利兵之禦此不待兩軍相當

而勝負已形矣因獻兵說十篇召試祕閣除潁州團練推官太守晏殊一以事委之民稅舊輸陳蔡運使欲覆折緡錢且多取亢言民輸勞費已甚方仍歲水旱又從而加取將不堪命乃止入爲國子直講館閣校勘同知太常禮院張貴妃薨立園陵禁京城樂一月亢累疏論罷之進集賢校理著興亡論十卷仁宗儲嗣未立亢力言國之外患不過邊圉內患所係社稷安危太子不可不蚤定擢提點開封縣鎮公事徙推官比禁火犯者不獲則罪主吏民或自燔其居以中吏亢請自今非延及旁舍雖失捕勿坐改度支判官契丹使賀乾元節值仁宗崩議者謂宜卻還亢請令奉書至柩前使見嗣君從之英宗選爲潁府翊善加直史館召對羣玉殿訪以時事稱曰學士眞國器也擢同修起居注知制誥建言潁王且授室願采用古婚禮公主下降不宜厭舅姑之尊帝深納之俄知諫院帝謂潁王曰翊善端直朴厚已擢諫官矣王頓首謝東宮建爲右庶子神宗立遷龍圖閣直學士時待制以上爲帥守每他徙必遷秩亢請未滿兩歲者勿推恩尋進樞密直學士知開封府亢遇事敏密史操牘至前必反覆閱之人

通傳五

十一

或以爲勞亢日初雖煩勞後乃省力耳籍里閭惡少與故吏停廢者有犯皆遷之他處鬪訟爲之衰止拜樞密副使夏人誘殺知保安軍楊定廷議西討亢謂天下財力殫屈未宜用兵惟當降意撫納俟不順命然後師出有名因條上其事帝從之未幾夏主諒祚死執殺定者來請和或欲乘機更取塞門地亢言幸人之喪非義乃止踰年以資政殿學士出知越州徙鄭鄞臺三州卒贈吏部尚書諡安簡亢文章爾雅與叔父必齊名世號二邵子堯範

李琮字獻甫江甯人宋慶厯癸未進士除甯國軍推官州庾積穀腐敗轉運使令散於民俾秋償之守將奉行琮曰穀不可食強與民而責償民何以堪持不下守愧謝而止呂公著尹開封薦知陽武縣役法初行琮處畫盡理旁近民相率趨登聞鼓願視以爲則擢江東轉運判官築惠民圩四十里於金陵太平宣城二郡間奏陳鹽法十六事進度支判官淮南賦入甲他部遷轉運副使徙知梓州路到官納歲費備邊事璽書賜再任轉左朝散大夫元祐初被劾降知吉州歷相洪潞三州潞民有謀亂者書期日揚道上部使者聞之懼檄索姦甚急

琮置不問以是日置酒高會訖無他人爲大府卿時游天經議以磬水漬鐵爲銅可鑄錢琮極言不當作僞轉朝議大夫刑部侍郎陝西人張天經上書詆時政琮議如律忤丞相章惇意尋以寶文閣待制知杭州兼浙西兵馬鈐轄移知河南府兼西京留守又遷高陽路安撫使知瀛州加上柱國隴西郡開國侯卒年七十五贈太師襄國公字同

同字少愚元祐丁卯進士歷試中書舍人宣和中兼校證補完御前文籍書成出知東平府兼安撫使斬賊楊進靖康末爲大河守禦使潰歸建炎初知洪州紹興初召入進同知樞密院事遂參知政事上虞丞妻寅亮請帝擇太祖諸孫爲皇子帝以問回回對曰太祖不以大位私其子發於至誠陛下爲天下遠慮合於太祖實可昭格天命遂立秀王子爲皇太子卽孝宗也尋出爲江南西路安撫大使知洪州奏言湖東名賊曹成在道州馬友潭州李宏岳州劉忠處潭岳之間雖時相攻擊其實聞一宣撫之來陰相交結分布一路爲互援之計友據潭踰半年漕臣錢糧不得移用今朝廷以岳飛知潭州與友共處若使飛先

通傳五

十一

往道州捕成友必懷疑沮害糧饋則飛有腹背受敵之患不若且置成不問先引兵往袁州約友宏云討忠以俟一宣撫之來庶使成不便過嶺最爲長策從之旋遣副總管楊惟忠討降軍賊趙進夫幾罷歸卒弟畊字耕道初試通直郎丁詩慕陶淵明之爲人後遂隱居不仕著有臺山遺稿回孫壘字仲和號明山寶祐癸丑進士官至無爲州節制官屯田分司徙居溧水入元不仕工書法著有稽古韻及存古正字編壘子楸字子才元天祿己巳舉人至順庚午進士官鄱陽縣丞復居江甯楸弟桓字晉仲至治癸亥舉於鄉洎至順庚午亦成進士授餘干縣教授累遷江浙儒學副提舉龍南縣尹性執僻居官頗稱廉簡以文鳴江東尤善小篆自以祖居溧水嘗自稱中山李桓著有至元五年上元重修縣學記又雨花山清源觀碑其所書也

張頴字仲舉江甯人初舉進士第除江陵推官歲早饑朝廷遣使安撫頴條獻十事活數萬人徙知益陽縣近梅山溪峒多蠻獠出沒頴按禁地約束召獠人耕墾上其事不報累遷開封府判官提點江西刑獄廣東轉運使熙甯中章惇

取南江地建沅懿等州克梅山頡時居憂鼎州移書朝貴言南江殺戮過甚無辜者十八九浮尸蔽江民不食魚者數月惇疾其說欲分功以啖之乃曰頡令益陽曾建梅山之議今日成功權輿於頡詔賜絹三百匹尋擢江淮制置發運副使改知荆南復爲廣東轉運使會建廣源爲順州頡以無益奏罷之坐事免俄以直集賢院知齊滄二州進直龍圖閣知桂州入覲帝首言卿向論順州不可守信然適有獻言者謂海南黎人陳被蓋五洞首領異時盛強且爲中國患今請出兵自効宜有以撫納之命頡掌其事頡使一介呼出之補以牙校喜而去詔問何賞之薄對曰蠻蠻無他覲得此足矣乃罷兵久之被劾罷職知均州元祐初還故職知鳳翔與廣州召爲戶部侍郎復以寶文閣待制爲河北都轉運使徙知瀛州湖北溪獠叛詔移知荆南至都門暴卒

俞稟字祇若江甯人崇甯四年以上舍生賜進士第一簽書鎮南軍判官未赴爲辟雍博士歷祕書省正字吏部員外郎起居舍人兼定嘉二王記室中書舍人進給事中侍御史毛注議罷增石炭場稟駁之除顯謨閣待制知蔡州明日

通傳五

十三

復留踰年竟出爲襄州鹿門寺僧有田千頃牛千頭無戒行稟分其半以助軍儲召赴闕言官吏苟且成風不肯予奪公事又言謹擇監司表率州縣帝嘉之復拜給事申上言學校三代之學也然崇甯四年以前議者以爲是五年則非之大觀三年以前議者以爲是四年則非之豈學校固若是哉觀望者無定說耳必使士有成才人無異說事之不美者不出於學校然後爲得言頗見采遂拜御史中丞陳士風六弊又發戶部尚書劉炳陰事忤蔡京意改翰林學士兵部尚書以樞密直學士知開封府石公弼在襄州以論衙前事謫言者謂稟實倡之罷提舉崇禧觀竟以毀紹聖法度貶常州團練副使太平州安置未至復除顯謨閣學士知潭州以母老乞近改知江甯府轉述古殿直學士致仕卒論曰邵必叔姪以文學起家李琮父子以幹濟著績張頡諸南蠻之情實前稟論學校之廢興非皆識時務之俊傑哉而頡忤章惇稟忤蔡京尤所謂不畏彊禦者也

高志崇可容人性好義歲饑發粟振鄉里人感其惠自縣治東北至鎮江山石
舉确行者病之志崇率眾鑿之使平過澗造橋梁數十所往來咸以爲便
秦憲江甯人家富饒而性慷慨歲收租萬斛鄉民輸粟每令自行概量間捐子
之鄉人德焉熙甯元豐間頻歲饑饉作米粥以飼往來之人計升斗以給乏絕
之家全活甚眾有司聞而薦之堅辭不起以布衣終其身

錢散江甯人性長厚嘗有少年數人來曰爾父在京師遺我金而無左驗散曰
大人與人交信厚彼必不我欺且彼謂吾父貧宿雖吾拒以無左驗辭雖直非
孝子待親之道卒與之元夕鄰子入其家將爲盜散呼前取白金合子與之使
速去鄉里化之子時敏字端修生時有烏銜青銅五銖錢一置庭中香案上及
年十八以明經貢太學政和二年賜同上舍出身歷大理寺丞祕書丞高宗時
以駕部員外郎充奉迎兩宮扈從禮儀使司屬官改兵部郎遷右司郎兼權右
史充禮部貢院參詳官兼外制權工兵二部侍郎除敷文閣待制致仕奉祠卒
論曰高志崇秦憲好行其德鄉里稱善人焉錢散償無左驗之通金訓將爲盜
之鄰子其篤厚加人一等矣銅錢兆瑞子爲達官積累之報不亦宜乎

秦氏傳第二十五

秦濟江甯人崇甯丙戌進士歷仕至知湖州有惠政人名其橋爲秦公橋次子
梓字楚材少有才名舉宣和甲辰進士奉使高麗歷知台秀袁太平常湖六州
擢翰林學士出知宣州移湖州進資政殿學士致仕歸時兄檜當國梓惡而避
之遂徙家溧水卒贈光祿大夫葬南屏風山梓子焞紹興甲戌進士博學好古
嘗哀刻鄭獬耶溪集都翬易體辨義弁爲作序歷仕至知安陸府卒焞子塢梓
從曾孫鉅

鉅字子野父堪襲爵建康侯嘉定中鉅通判蘄州金人犯境與郡守李誠之協
力捍禦求援於武昌安慶月餘兵不至策應兵徐揮常用等棄城遁城破鉅與
誠之各以親兵巷戰死傷略盡鉅歸署急令吏人劉迪火倉庫乃赴一室自焚
有老卒見火焰中著白戰袍者鉅也冒火挽出之鉅叱曰我爲國死汝輩可自
求生掣衣就焚而死次子浚先往四祖山兵至亟還與弟澹從父俱死事聞特

贈鉅五官祕閣修撰封義烈侯立廟蘄州賜額褒忠贈浚濯通直郎賻以銀絹各二百緡祐十二年加鉅諡顯節同時李伸之亦建康人官統制爲金人所獲不屈死鉅同族網

綱性武健有膽略詩文多悲壯慷慨歷官至寶謨閣學士偕方信孺使金凡三往嘉定中復從信孺守韶州赤水洞賊作亂綱募兵討之深入溪谷士卒多亡去乃奮戈直前與賊格鬪而死郡人哀之祀於韶之光孝寺

論曰吾讀東都事略見秦會之請立趙氏書慷慨激昂血性之文也使竟死於北朝豈不與李若水諸人爭列哉一念不堅遂爲千古權奸之冠雖上有賢父兄下有賢子孫皆莫能掩其醜也可懼也夫

劉王朱傳第二十六

劉綰字子陽溧水人宋紹聖甲戌進士官至滑州安撫使靖康初金人犯境城陷與其子規同縊死五世孫應炎字景暉咸淳中登進士第官御史有直聲以忤賈似道謫知景陵縣不赴歸應炎弟應庚性至孝元兵入建康東壩師潰應

通傳五

庚以母臥病二姪甫離襁褓語妻周曰我衛母爾保一孤粹有兵入周自殺應庚以身蔽母被數創泣請曰幸留我四人財物任盡取也眾哀而舍之乃負母攜姪匿土穴中復遇兵曳出之泣請如前兵感而助以齋麩遂免及母死廬墓哀泣至令人呼其地爲劉孝子岡應庚弟應昂字景文元至元中以薦除國子監祭酒累至兵部尙書卒諡文襄應庚孫致諸生應昂孫梓字彥敬泰定中進士官至廉訪使

王棟字儀仲自大父安石爲宋相罷官居金陵後遂爲上元人棟以蔭累官至顯謨閣學士右中大夫開德府路經略安撫使建炎三年金人攻澶淵城陷死之詔贈資政殿大學士從弟桐官承議郎直龍圖閣桐子壽珪棟從弟樸字敦素安國孫也宣和七年推祖恩蔭與弟稅並除直祕閣又安禮孫榕榕子厚之字順伯乾道丙戌進士歷淮西通判江東提刑直顯謨閣兩浙運判權知臨安府四川安撫使性好金石著有復齋鐘鼎款識復齋碑目又安上八世孫雲起字霖仲元時爲澧州路儒學教授治春秋學嘗充湖廣行省考試官士論服

其裁鑿改旌德主簿不赴卒於家著有友山遺稿定林漫稿澧州爲立遺愛碑雲起從子屋先是王氏墳在蔣山有菴僧守之會王氏子伐山木僧執送官將以盜論御史大夫星吉怒曰王氏山王氏子孫伐之何謂盜乎遂僧去之而使屋居是菴以守墓焉

朱虛溧水人宋政和戊午進士除知瀏陽縣建炎四年軍賊杜彥叛攻城力戰不能禦而死贈通直郎任其子柔嘉將仕郎柔嘉後仕至大中大夫三世孫紹遠明遠四世孫泰棟俱擢科第五世孫立之祐之以易學授徒於家論曰劉綰王棣朱虛以死勤事者也子孫綿衍各以文學孝友世其家而劉氏尤爲顯著忠爲令德其澤之長也有以夫

